

驚叟詩鈔
附補遺





贛

叟

詩

鈔

遺附補

紀映鍾 著

中華書局

叢書集成初編

慧叟詩鈔 附補遺

中華書局 出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘一〇九二毫米 三十二分之一

統一書號：一七〇一八·一五一

懋叟詩鈔

此據金陵叢刻本
排印初編各叢書
僅有此本

慇叟詩鈔序

吾郡詩人。斷自晉始。漢魏無聞焉。稚川貞白。瑯琊諸王。匆匆六朝。粲然作者。爰及有唐。少伯文昌。一時輩出。宋元而下。代不乏人。蓋金陵王氣。不以秦亡。煙水故都。風扇文物。伯紫以鍾山遺老。生長其閒。凡所以可泣可歌者。僉托乎詩。而蒼涼出之。故名其集曰真冷堂。案詩徵載紀。子復有補石倉集。槩堂詩鈔。此曰慇叟詩鈔。不識卽槩堂否。蓋所著都沒。是仍江陰繆丈抄贈也。余宦江右。忽忽四載。每當無俚。積習斯來。非第鄉獻所珍。亦以世變斯亟。古調自愛。今人不彈。倘墜緒之弗緜。將高吟而永絕。嗚乎。山河不改。能招故國之魂。天地無情。終化成陽之炬。光緒三十一年秋八月下浣。江甯傅春官。識於江右北湖憩園。

原序

嘗慨聲詩一道。古今紛沓。而情深者傳焉。故文章千百言不盡者。詩能以片語收之。至於動天地。泣鬼神。海枯石爛。不滅不磨者。發乎情也。若夫文士騷人。無所感觸。漫成比興。正如夏蟲語冰。秋蟬語燠。妄擬寒暄。徒詞費耳。無益也。祇取誣焉。吾友紀子伯紫。蓋天下之有心人。也。情瀾智嶽。多烈士之氣。所悲者。秋風禾黍。所傷者。古道凌夷。蓋天下之有心人。也。撫今溯往。感時觸緒。爰有故宮。兵至錄別。諸作激楚。嗚咽多變徵之聲。讀者不忍終篇。嗟乎紀子。蓋嘗寓長干。走南越。語云。共陰而息。固有將別之悲。況乎故宮梓里。鞠爲茂草。井州舊遊。兵燹幾盡乎。宜其言之長。而詞之痛也。紀子悲天憫人。喉閒膈上。原有一種憂懣憤惋之概。悒悒難吐。寄之聲歌。託之篇什。一往而深。所謂發乎情者。紀子有焉。抑余於故宮作。尤深慨思。昔商之孫子。其麗不億。而感黍離。悲麥秀者。獨一箕子。今天下文士騷人。不少概見。而賦故宮者。獨一紀子。悲夫。情之所鍾。正在我輩。觀夫大川廣谷。荆棘生焉。海不可蹈。薇不可采。吹簫無市。被髮無山。激楚嗚咽。爲變徵之聲者。獨一紀子哉。西陵同學弟趙明鑣珍留撰。

編詩紀年。古法也。誦詩論世。初盛中晚。猶正變也。嗟乎車轍馬跡。西京杳然。四國輻軒。慨也永歎。詩亡史作。存年表世。春秋與詩實相表裏。然而尋聲入變。工律之士。咸知正汎中餘。一詩之中。互有升降。一人之手。自具初中。循彼作者。莫之或知。匪具通才。罕有淵鑒。鍾山紀子伯紫。少擅僑胥。早譽東南。垂三十載。名山其人。燕薊以北。閩粵以南。吮毫角札。靈光巍然。下至島緇蜚隸。性苟能吟。爭奉拱壁。峩湯。紀子有異人之心。天外之操乎。嗟乎。詩之不足於言者。必先細於志。聲之不依於永者。必律和於聲。文彖周爻。無字不叶。孔贊十翼。靡韻不諧。矧八音錯綜。君臣五倫。經緯宮商。動天地。和鬼神。有聖天子清廟明堂。陳詩定樂。齊奢唐儉。鄭女衛男。無不可蕩邪穢。而消渣滓。矧變雅夸頌。不可進於精純之域。而優入於聖人之徒歟。紀子之詩紀年。或以爲少陵宗工。老漸律細。或以爲處士歸來。不忘永嘉。或以爲振羽動股。言念豳風。或以爲楊柳雨雪。況瘁僕夫。似則亦似。是則未是。紀子不夷不惠。亦元亦史。喁喁孔墨。畏壘祭酒。憂憂詩鳴。紀子之不幸也。名王貴人。尊之爲師。紀子不願與友。執圭貫纓。事之爲父。紀子煦之若孩。洞洞屬屬。天光四射。祝融司方。沐浴百寶。紀子望之似木。臨之如淵。紀子愚人之心也哉。紀子騷自爲經。亂以見志。始于殷憂。終于自然。亦大禹治水。羲和治律之智也。巡文攬考。疑狂傷狷。大雅明哲。其然豈然。昆盧閣舊社盟。弟汪沐日。今釋益然濟謹序。

巖叟詩鈔目錄

卷一

鍾山道中感懷

真州謁文山先生祠

于皇杜二移居

喜孝威來白門

宋楊忠襄公明方正學先生墓同在梅岡上

黃侍中祠

百憂集行

贈友蒼法師

過露筋廟

海州贈路學正

南京功臣廟

董子北游

贈李太虛宗伯

元武湖

烏龍潭

五家村

送董子歸淝水

甓杜湖送鄭秀才

渡黃河

宿漣水

次板浦

道旁廢屋行

烈火引爲梁公狄妻死李自成之難作

僕病遣歸時在寶應

小宛詩爲冒辟疆作

春盡日泊舟淮陰垂釣處

東穆倩

江雲

舟雨

城邊路

雨中過天界寺

泗州道中

逢何次德

鄴下弔魏武帝

車騎關懷古

午日行次新樂縣

楊椒山先生祠

贈宋玉叔

送臥侯南歸

送客

野行

送宋荔裳僉憲河東

何日遂巖栖

五烈井爲甯晉張孝廉母婦弟婦作

贈李過廬太史

胡四庸借馬歌

二君子行別楊猶龍學士魏石生都諫

過黑石嶺宿壽陽縣

芹泉道中

酬鄧髯

雨夜強飲

雁門關

甯武關

偏頭關

聞山水發

晉陽署中偶懷

七夕雨中

同戈驛

漳水源

登太行絕頂

擬古謠

愚上人靜室

虎邱對酒簡遠林

題稽磐石心遠堂

劉東平廢第

曹縣送陳宗來

訪邢白穀

冉堦三賢祠

濟甯南池

曲阜謁先師廟堂

顏井

杏壇觀祭懷姚伯石

觀祭之次日爲予生日感賦

賈叟山居四年矣從令子國士問其近狀年七十健甚寄一詩

真江春興

千秋行

劉寄奴井

寄懷天放上人

孝女歌

廣陵夜泊

北風吟

歷陽書懷

孫氏五烈井歌

王氏五烈詩兼簡季子伊臯

追弔房貞靖先生

僞吳張士誠故址

卷二

東汪五河夢游黃山

靈隱寺同柳公韓作

三宿彥遠水檻

舟過東余憶眉老人

泖湖道中

過鹿城

雨阻虞山之游

虞山送春

弔李金兒墓

西軒爲邱季貞題

雨止梁化爲見過山居

赤石磯柳花下晝集

同孫豹人江上看月

贈徐卿

桑墟

老鶴亭

公路浦

舟中望攝山

聖秋至自薊門得楊猶龍方伯書兼有所貺賦謝

宣廟御筆歌爲菊溪憲長作

金陵故宮

柴門

登雨花臺

公路浦送別

淳湖紀義

邵村紀事

牘下志喜

臘月十五夜月

溧水夜發

張烈婦詩

睢陽湯烈婦罵賊殉城死

寶應舟中與錢席雲夜話

淮上聞雁作

曉發穆陵關

嘉平月夜歌贈固菴

贈魏環溪都諫

送姜九之太原

與張毅孺話舊

李過廬參藩河內

送叔夜韓六令永嘉

雲中懷沈友聖

至孝爲錢里張母頌

暮春讌集柳湖送韓叔夜之永嘉徐存永之中牟黃仲丹之東萊方孟甲之平陽予亦將往福州

聊城雨泊

捫蝨

夏鎮簡顧見山水部

懷柴丈戒生

舟晚

東昌府

雨後得殘酒無燭舉火謀之初嘉以嫂氏鏡奩中澤髮之膏相貽感而成詩

地震

女姬姜

海濱優

三婦泣

海濱吏

運糧難

運草苦

難歌

漁父怨

寄錢塘彥遠

雲客傳樸園詩來因和以志喜

延津山寺訪陳昌箕博士

南歸過仙霞嶺聞芝麓左遷卻寄

送丁野鶴辭官歸瑯琊

南京司馬歌贈陳徵菴使君

金陵秋感

將往盱眙

到盱眙存永留酌山館

謁沿州陵

送存永之中牟

臘月二十八日雨中獨坐

卷三

大雪次履招飲以病未赴用韻簡謝

喜樸園歸

雪珂上人過訪時子將閩游

湖上逢曹秋岳都憲

題嚴先生祠

江郎山

富沙晤朱蒿菴都諫時以言事謫司獄

三山七夕

懷階六大參

遺安草堂歌爲雲客作

閏七月二日曾惟佐池上行

答余僱侄

送陳謙六還淮上時省兄大參于閩

五代閩王墓

池上尋雲客

中秋微雨書懷

鼓樓行 詩徽有福州二字

邊氓行

寓目

別階六大參

贈別法黃石大參

三山逢蔣穎揆

毛文山招集有介草堂兼志別

贈林伯奮孝廉

小灤夜泊

飯夢筆山山爲杖人祖庭

益公贈方竹

送五竹游廬山

拜玉菴歌爲樸園司農作

題無意老衲扇

送余鴻客遊東粵

元腐

欲尋漆園故跡苦熱不果

濟陽城光武生處

張不二先生絕命辭暨河村先生和詩在歷陽棲雲觀壁閒王沙菴以雙鈞本見贈歌以答之

小至抵家

尋花

再遊桃花塢

江深閣

暮春雞豆塘上作

送何偶圃游西陵

習懶口號

送孟遷還若耶

送謝參軍

題博士張伯明先生忠烈冊并簡令嗣公望

送程石門還鎮滇中

九月晦日同司馬公及諸上人詞流登仁壽寺閣次韻

送瞿菴返五龍

送徐合素之甘州

送龔雪舫

卷四

慈祥蘭若訪道安禪師

香山寺

洪光寺

臥佛寺

碧雲寺

贈汾陽令

送沈馨聞之汝南

贈沈塘仙將軍

何丹臺侍御書室落成

遠公以黃山遊紀相示奉答

時徽首有虎字

退谷孫公所藏謝道韞紅絲石硯歌

小憐詩爲性華作

送郭臬旭之大梁

送蛤菴還平陽

上巳

送李條侯歸灘水

寄袁重其處士

賣船行爲愚山使君作

徐電發過飲賦詩次韻答之

雪灘釣叟歌寄顧茂倫兼送電發

答刻溪瞿菴上人次韻

答永公寄竹杖

胡妙山還白下

陳澹持還西湖

古留村

寄嘉客

力臣以文孝先生傳見示

答天臺

慈仁松下書許竹隱冊子

二哀詩

暮春有感

垂楊

送亢立菴

與鄰僧超上人

送王木公之東海兼寄友筠伯仲

答鹿牀

送姜二學在還吳門兼寄周子潔李膚公

鹿牀貽詩詢及先塋感答

賣墨不果感賦

仙裳索詩贈碧水山人

階六歸自隴西晤于廣陵作此誌喜

中秋夜宋射陵見過

子與孟起弟同出晉賢之後南北雖分氣誼不隔丁巳權關江上子從真州相訪出詩稿屬訂走筆紀事并質毅亭姪

贈李明慈

雨雪書懷

上巳日王牧之過齋中出楔帖暨仇十洲桃源圖同觀因題二絕

雨後書感

憶金陵舊遊

茅慎言暑中過訪

贈陳畫初

訪蕭靈曦

贈訥菴

吳山太師講易廣陵承惠古體奉答二十四韻

齋晚

風夜

閉關

春興

過燕磯未登弘濟寺憶睿生兄弟

江亭再集同玉式豹人學在次豹人韻

閏八月十四日殿臣招集西美園同漢西春霖衛公半巽諸子

李劬菴舟枉江干示以敦好堂集便欲放舟鄂渚詩以送之兼寄子園方伯

贈汪子真

庚申九日書懷

寄趙客菴兼懷吉水樵月如玉并弔烟伯揚子

春分前一日同會公蔚生若思亮工清生集蕭孚五園居

讀劉文成公集

聞河決

躑躅詩鈔卷一

鍾山道中感懷

清 上元紀映鍾著

正陽門外地圖雄。禾黍離離路不窮。草棘圍邱狐躑躅。山童寢殿鳳穹窿。傷心落日驅羸馬。矯首秋雲失斷鴻。慚愧神宮衰內侍。白頭無語淚西風。
宮園流水咽秋聲。曾有書燈雪寶明。翠栝已空梁代寺。白雲長抱漢家笙。荒荒三戶栖烏定。确确高岡蹶馬行。十載流離愁過此。夕陽風掃半山晴。

真州謁文山先生祠

落木荒祠野水濱。重過輟食拜階塵。狀元宰相完名是。取義成仁識字真。隔浦秋山爲俎豆。掃門村媪辨君臣。雅言□盡惟心史。卻訝黃冠語不馴。按闕處當是不字。

于皇杜二移居

亂離無定處。歲歲賦移居。忽舍牆東竹。愁看牀上書。春風遷赤甲。夜雨夢黃初。王霸平生畧。規模照左闕。

喜孝威來白門

海嶠麻鞋隔數峯。霜高來聽白門鐘。漁樵推罵無人識。風雨沈冥特地逢。任醉石牀秋被共。尋詩山屐白雲從。道書地肺藏空闊。與子何年啓雪封。

宋楊忠襄公明方正學先生墓同在梅岡上

方楊墓木出高林。霜葉年年血漬深。殊絕士求殊死法。兩朝人是一朝心。江流不斷孤臣影。天籟常生太古音。寂寂梅岡明月夜。隔牆呼共景公吟。

景中丞墓亦在焉

黃侍中祠

侍中祠畔柳藏鶯。廟貌如生薦芷蘅。石上影留貞婦魄。門前水較汨羅清。忍看燕鶯巢春殿。不叱鸞龍起夜旌。稽首享堂風肅肅。荒城白日走颺颺。

百憂集行

今夕何夕百憂集。燈明酒冷撞胸臆。牆頭老鼻學人啼。朔風莽莽吹四極。男兒失意口棘棘。手足蹒跚面如墨。深山遠水去不得。山有魅兮水有蜮。嗚呼百憂集兮可奈何。壯心不死聊復歌。

贈友蒼法師

翠微山居山轉麓。瓦官寺裏鶯啼竹。道人十載此中住。秋雨春烟半閒屋。山中歲月多閒心。山下鐘聲聞

朗讀白雲如水翻階上。此句當年稱絕唱。松光在笠雪在心。獨出孤峯無倚傍。金臺一去二十年。廿年中
事搶風船。紫柏家資成隔世。金門弟子空雲烟。長干舍利千年寶。蒲團放處梅花好。獨菴雪浪不可作。公
也英姿追二老。長辭天北苦風沙。特少嶺南閒葛獠。相思莫莫意憧憧。丁甯尺素誰相從。世閒萬事無快
意。一邱只足安孤筇。挈雲攬霧不可見。今日宗門此臥龍。

過露筋廟

生事賤魚蝦。傍湖人幾家。春齊春護岸。潮起夜浮槎。斷碣何朝字。殘陽野渡花。聞過露筋廟。輟食更咨嗟。

海州贈路學正

海上名州古戰場。先生移作讀書堂。夕陽過水沙如雪。漁戶迎潮蛤補牆。風洗大川開洞穴。道行荒蕪重
文章。閉門父子眞師友。庭草春深作意長。

南京功臣廟

龍飛淮甸洗瘡痍。四海攀鱗會不期。漢代文章開國少。唐家將略中興奇。英雄奮拔膺殊錫。草昧經綸慰
異姿。莫道荒祠成灌莽。雲臺何日又岐嶷。
肅肅鬚眉颯有神。鳳麟熊虎涉恆倫。周廷五等朝南面。天闕羣星翊北辰。茹土何勞王是假。風塵特識主
爲眞。獨憐烏盡良弓在。千古高皇一聖人。

董子北游

燕市多奇士。相逢定酒家。春歸玉河柳。月落杜陵花。跋履何門好。鳴珂古道斜。行行須亟返。天北苦風沙。

贈李太虛宗伯

海內尊耆舊。南州獨若翁。一書黃石畧。廿載黑頭公。君豈哀王粲。吾將倚伯通。樽開櫻笋節。同酌畫圖中。

元武湖

漢高入咸陽。蕭何抱版圖。豈惟功績大。識與衆人殊。逐鹿苦戰爭。大地如焚枯。神龍蹶淮甸。奮烈四海蘇。民爲上帝寶。細冊羅眉鬚。深防武庫火。置此元武湖。中央墳大阜。夏屋千百區。覈別精勤吏。鱗尾換轆轤。聖祖親祭享。神物瘞東隅。黃門薦峩峩。秉笏代天敷。塵牘邱岳積。永絕甦與颺。及昏嚴燭火。悄然明月孤。湖爲鍾山鏡。山如湖上姝。青葱涵島島。長奠天北輿。每登雞鳴峯。下覽湖中蒲。湖鮒巨如鯉。腹隱一尺腴。禁方重監守。生物遂昌濡。五侯縱驕貴。不敢充庖廚。可憐今竭澤。波及湖上鳧。

烏龍潭

龍潭禁城內。雖小亦巨澤。窅然處西偏。遠如避世客。古觀晉唐遺。名園隆萬宅。宜雪再宜雨。宜隱亦宜譌。松濤白日飛。荷葉遠天碧。在昔中丞公。學佛覽鐵脊。棄家入無生。放生意成癖。鳥影摩天空。魚弄波聲濤。汪汪千頃陂。積鱗恆觸迫。巨舸載沈江。生意取相適。老僧呪喃喃。永斷刀砧赤。講藝集諸生。賢豪盡前席。微言颯然來。如霜面皮擱。高格離人羣。眞風攝蠻貊。歎息斯人亡。澄潭空日夕。

五家村

孝侯臺畔五家村。野水橫天晝掩門。落日在簾無客到。秋棠葉大竹行根。

送董子歸淝水

三山門外月。秋與客平分。浦夜初聞雁。霜明獨送君。夙懷淝水捷。一鬪廣川文。習習征帆發。江聲迴不羣。

甓社湖送鄭秀才

甓社湖邊野荻香。西風如箭送歸航。十年垂釣雙蓬鬢。千里看山一裹糧。雁影斜分秋水白。客心初老菊花黃。荒城古閘無端淚。獨捲篷窗數夕陽。

渡黃河

黃河接東海。道路遠且長。白楊風蕭蕭。吹彼落日荒。孤城蘆荻中。四顧徒皇皇。病馬嘶寒烟。老馬立平岡。中歲倦于役。筋力匪故常。捨鞍復望楫。意緒如亡羊。睠矚無匹儔。觸懷多靈傷。漁鹽藏聖士。販繒亦侯王。英雄皆瓦注。感此悲浪浪。

宿漣水

漣水百里遙。舟行四晨夕。邪許無甯休。老稚不暖席。北風勢轟天。來颿疾如射。力竭一篙中。進寸挫已尺。向晚難居停。頽垣走瓦石。共言郡兵過。生氣盡蕭滅。衰婦無人形。丁男殊枯瘠。奇媛賴草鞮。大烹惟糠覈。前山猛虎豪。亦是久飢客。不寐生戒心。擁褐待窗白。

次板浦

板浦對青峯。海氣白如練。巨魚吹潮頭。怒與風伯戰。餘威散爲雨。大注迴颺漩。鱧鮪失故居。漁人恣吞脣。震掀屋上茅。羈心幾驚顛。日月此中生。金丸舒一綫。茲來月十五。元陰塞四面。誰能撥層雲。見此雙寶劍。載拜塵土中。老目堪一眴。

道旁廢屋行

蒺藜穿瓦風撼撼。云是前人萬金宅。水晶屏掩舞衫紅。至今惟見秋燐碧。寒犬蹴沙野鷗嘯。老婦抱鉏拾衰草。過客揚鞭如不聞。崎嶇欲上長安道。

烈火引爲梁公狄妻死李自成之難作

猘兪射天赤日淬。商邱令妻笑男子。端坐高樓一炬焚。三千餘人同日死。不信人間有巾幗。最奇腰亦田橫客。椒蘭郁郁斷礎閒。紫玉飛烟血穿碧。至今俎豆如古賢。白衣澹月立踟躕。湘妃竹瘦冬青老。夜夜風哭杜鵑。當時令亦殉城闕。昇出荒郊存一髮。丈夫不死固有神。長歎多慚地下人。

僕病遣歸時在寶應

僕病能歸早。予衰尙遠征。傷心看逝水。直到石頭城。

小宛詩爲冒辟疆作

妝閣晨開柳露乾。日長清課自生歡。洞山茶片溫泉滌。閩嶠蘭條膩指搏。香島四窗金屈戌。簾鋪三畝碧琅玕。韋編竹冊居然較。轉憚幽思寫素紈。

騷響輕風送過廊。爲看白石坐溪光。花醺夕露連心靜。玉抱秋橙具體香。女伴懶耍雙陸劇。硯山頻做十三行。閉門夫婿兼師友。深翠堂中仔細商。

薌沁玄雲蟬鏡邊。前生應是妙鬢仙。曾聞荀令傷才色。莫怪風人訝帝天。羅縠雙纏湘水步。茗華小字漢文鑄。最憐義禮防身慣。不弄繁思五十絃。

澹雨閒雲過綺疏。米峯嵌曲漏窗虛。優曇花散房中曲。貝葉經繙衛女書。春冷衲衣籌潤減。香留廣袖唾華疏。無端忽夢封侯事。燕盡梅檀自懺除。

春盡日泊舟淮陰垂釣處

楚州城郭扼通津。畫舫維隄次比鱗。三十日前花事盡。二千里外客途新。殘春尙寄魚鹽市。弔古偏逢跨辱人。秃樹孤亭沙半圻。篷窗閒坐數車塵。

東穆倩

程子好閉關。衡門帶秋草。寂寂懶窺園。孤香自能保。對婦嘗苦吟。抱兒弄詩稿。釀酒貴官法。獨醉睨空昊。齋仄容兩人。焚香地頻掃。笑他繡平原。豈能尸賈島。偶夢五岳游。卻愛嵩山好。白雲翳碧松。黃冠勸歸早。真人悔名高。烈士悲身老。用心各有期。總不爲塵潦。

江雲

江雲作秋色。江水亦微波。游子意何極。涼風初渡河。烏啼邗上柳。白下木蘭歌。不寐行吟者。月明愁轉多。

舟雨

兩月大河隈。歸心日幾迴。篷窗初睡足。江雨帶秋來。馬度孤城夕。風生遠笛哀。客中生事簡。石火照空罍。

城邊路

城邊路。歌舞處。十年變爲墓。十年犁爲田。十年成淺渡。

雨中過天界寺

城南閒佛寺。深雨暗梧楸。近接前王塚。傷增故老愁。龍文交梵帙。鳳勢翥崇邱。萬井蕭條色。孤懷一倚樓。

泗州道中

野風吹白草。霜鬢久相侵。楚漢爭王血。英雄過客心。長淮通水舶。中土變鄉音。聞戒紆前路。斜陽照短鐔。

逢何次德

匹馬出幽燕。相逢麥隴邊。風塵憐此日。意氣倍當年。劍鼻書游紀。碑趺問古賢。臨歧無可贈。芍藥繞鳴鞭。

鄴下弔魏武帝

暮雨驅車望鄴城。老瞞多智此經營。中原大勢雄無敵。河朔良家健有名。竈上騷除疑將相。膝前俊傑類書生。平沙懷古離愁劇。寂寂南飛烏鵲情。

車騎關懷古

行盡中原九百程。鳩風麥雨送晨征。面塵冷借漳泉滌。心塊堅從酒力傾。錦瑟邯鄲餘瓦礫。少年河朔自

肥輕。車騎莫道無過馬。主父雄謀笑老成。
太行山色翠冥冥。麥飯疏榆十里亭。溝壘深高人奮錘。關梁近遠地羅星。士多烈士輕生死。客有神仙喚
夢醒。完壁堅城俱幻影。千秋頸血在羸廷。

午日行次新樂縣

晨風初定柳橫烟。忽卷黃塵障碧天。采蕨栖栖恆岳遠。懷賢寂寂井陘邊。石榴裙色殊方女。火齊波光故
國船。憔悴振衣沙縣晚。濁醪斟酌亦陶然。

楊椒山先生祠

我愛先生奮老拳。憑城狐鼠頂顛酸。風香豈獨吹枷鎖。膽苦猶能配比干。俎豆千春嚴上谷。威儀一尺聳
危冠。而今卻憶籌邊事。文靖眞當作聖看。

贈宋玉叔

宋家世出斲輪雄。熹烈二朝政與琮。聲名一日走天下。文中之虎人中龍。出爲循良入諫議。儼然東序陳
鐘鏞。琬也連枝呼小宋。岷岩氣骨霞丰容。總非讀書破萬卷。提筆橫掃千人鋒。眞辨陽虛探鳥跡。揮斥遷
固卑衡甕。浩如東海勢迴薄。峻比泰岱封長松。前年權關澄江上。江水文心共秋壯。三百詩多憤發辭。蘇
李曹劉對悽愴。宋子一篇手不釋。經營只覺神夷曠。謝朓山光照酒樽。天門中劈開屏障。方干蕭史閒追
尋。振衣渺渺情孤宕。置身上下數千年。此道當今更誰讓。獨傷守命逢磨蝎。鷓鴣野鷓會同極。含沙未中

忘機人積毀難銷真鐵骨。長安瘦馬行蹉跎。歸掩雙扉側弁峨。立意皎然行已決。隨情賦物篇尤多。奪君
主爵君莫嘆。大川靈岳堪游循。國朝二李皆外吏。濟南乃是君鄉人。清通簡要在山水。殘碑屐齒關秋春。
看君學富年力殖。應使名山借我開顏色。方蕭謂爾止尺木。

送臥侯南歸

郭子總非聲。葱蔥文章有價稱。江東燕塞岡頭鬱春樹。數椽寄託如隆中。閉門偶讀項羽傳。開戶卽見長
楊宮。牀頭酒瓊壓書帙。鹿門奔走皆豪雄。六年循令治關隴。簿書多暇登崆峒。搆樓看山豎種秫。徵爲諫
議攜清風。郭子才大氣真靜。高言立見驚癡聾。暫歸白門九月杪。馬蹄蹀躞追霜鴻。紫淀老人久相待。秦
淮寒水梅岡松。開樽話到月上壁。鍾山翠色霏芙蓉。念我枯魚過河泣。看君霖雨從蛟龍。

送客

送君燕市月。夢到虎林秋。只覺燈前酒。都成天際愁。嶺梅朝暮笛。湖水白蘇樓。不許新楊柳。牢牽欲放舟。
客舍屢空牀。頭忽有斗酒喜。而有作

欲買宜窯甕。還無鄧氏錢。牀頭餘瓦缶。顧影遂陶然。客舍黃花少。天寒白衲偏。香醪亦偶爾。傾盡復堪憐。
野行

松聲古時日。幽幽。陂水凝寒靜不流。下馬莽蒼迷近遠。武皇壇墀白雲秋。

送宋荔裳僉憲河東

秦州雲外路。使節出桓桓。地迴黃河入。山多白日寒。渥洼搜駿骨。韎韐舞龍團。行部隨楊柳。春風拂錦鞍。才子屏藩寄。西陲地勢雄。行邊威老上。較士入湟中。風過巖疆靖。書傳異域同。輕裘日多暇。作賦上豎峒。

何日遂巖栖

何日遂巖栖。孤縉繫晚溪。桃花無近遠。艇子任東西。雲織丹崖迴。燈懸碧嶂低。月高來野客。雙屐不沾泥。何日遂巖栖。千章古木齊。石頭蹲屋北。水口漲橋西。雲白翠微遠。天晴瀑布低。空齋恆寂寂。風或送黃鷄。

五烈井爲甯晉張孝廉母婦弟婦作

戊寅之冬甯晉陷。張母挈四婦之。死誓旦旦。走避泮宮宮有井。大言一家于此全。腰領姑先之。教婦從。婦言婦少不死身。卽辱姑老。自不與婦同。姑婦推挽勢益急。婦給姑。姑死婦且生。婦生終玷姑家聲。姑給婦。吾且生。諸婦怡然。以次投井。水砰砰。徐舉身躍從。婦行志勇果。神和平。守者孰敢相枝撐。一門五烈天地驚。井泉至今徹底清。謝侯顧侯錫佳名。有子孝廉業家耕。松柏受命獨也貞。

贈李過廬太史

乃祖愚公先生。
時年九十有三。

讀史論文感慨中。夕陽殘雪禁城東。名符江夏無雙士。家有黃虞百歲翁。劍佩椒蘭歌古調。提攜枹鼓待羣雄。知君世業能張楚。賦就先應補國風。

胡四庸借馬歌

公子學士之賢郎。軀幹磊落情慨慷。賦詩百篇不停腕。吟罷目送雙鴻翔。學士門庭多殊俊。公子盡與相
頡頏。長安斗米錢八百。千指仰給當空囊。蕭然在貧顏色好。嘉賓猝至羅酒漿。內中父客楊與廖。授餐親
與同書牀。一編對把白晝簡。戶外塵土如探湯。廐中兩馬並駿骨。驢驘不御神超驤。障泥拖錦鏡浴鐵。若
邊同臥綠沉槍。鍾山野老長徒步。東家一騎材蹶張。故人置酒辭不脫。剝啄再至心茫茫。十次連借十不
拒。牽來墀下神且王。拂衣跨出日當午。歸來落月在屋梁。長安車輛亂如蟻。溝深七尺橫路旁。踣顛鉤轆
爭胸息。驚駘難駕頻遭傷。君馬步工服銜勒。脾肉穩適渾相忘。據鞍索句類槁木。弛轡蹀躞乘春陽。水隄
碧波搖柳線。西山積雪連宮牆。老夫得意每獨逞。自非君馬徒徬徨。安定家謨未凋隕。公子古道長扶將。
丈夫緩急貴有賴。季心劇孟今豈亡。富兒惜馬不肯借。馬終肥死衣火光。

二君子行別楊猶龍學士魏石生都諫

大璞無軼彩。孤桐寡繁音。靜含泰初色。超然橫古今。所以英絕人。智勇歸真沈。山川畫南北。天地惟一心。
鉅鹿柏鄉下。君子予所欽。鉅鹿破萬卷。閉戶如深林。鴻文出枕闕。古調彈幽襟。柏鄉富讜論。傑立明堂琛。
經綸資廟算。曠思懸峯陰。可爲豐年玉。可爲大旱霖。可爲脫兔決。可爲處女禁。可爲遺癘附。可爲益氣參。
身尊嘗若下。意動恆自箴。西山有奇石。白雪藏崎嶇。天壇多芳樹。歲久成蕭森。予見二君子。山高而水深。
忽發三晉轍。將訪首陽岑。惜別且長嘯。落日彈霜鐔。

過黑石嶺宿壽陽縣

黑石嶺當關。停鞭意獨艱。此行堪白首。盡日厭看山。寨出花雲外。田耕絕壑間。到來松下驛。好月照愁顏。

芹泉道中

五步一河流。洪波濺馬頭。萬山雲不斷。五月雨如秋。麥隴新陶穴。芹泉古驛樓。何能消蓐食。併起十年愁。

酬鄧髯

知君多逸氣。茹古力能兼。奇士原生越。參軍豈藉髯。山雲朝送雨。邊月夜窺簾。欲翦吳淞水。并刀近不銛。

雨夜強飲

強飲如無事。憂心切鼓鼙。濁河平地坼。懸磬萬家啼。問俗牛哀虎。謀生屬國羝。一燈如霧裏。不寐聽鳴雞。并州連夜雨。秋水漲汾河。萬嶺交陰氣。孤城俯白波。鄉心驚鷺築。驛使阻盤陀。霜令邊庭早。清商入浩歌。

雁門關

太原城北路。直與雁門連。秦月秋鳴鏑。并人夜控弦。地圖經百戰。山勢鎖三邊。西望銷兵久。凄其弔阪泉。

甯武關

崇墉甯武道。此蹟古樓煩。雙嶺雄開鎮。千家仰種屯。兵戈今已息。天地險猶存。蕎麥川前路。曾公尙有垣。

偏頭關

偏頭接甯武。隆伏地形奇。隔水收河套。攢峯固女陴。飽騰超距士。佻捷射鵰兒。三晉資屏蔽。曾經十萬師。

聞山水發

驛路河如織。輪蹄截亂流。忽聞山水發。聲振兩崖秋。密雨連宵下。飛章十日留。書空徒兀兀。歸夢越徐溝。

晉陽署中偶懷

太行天下脊。城郭半山巾。設險峯爲戶。鳴弦月似弓。雄關包代北。戰士出河東。安得馳良騎。周迴覽故宮。劉琨清嘯地。寂寞未經過。已罷聞雞舞。空懷擊楫歌。隋唐留片碣。秦晉界長河。秋思隨邊草。朝朝送白波。

七夕雨中

天末逢佳夕。羈人傍五臺。明河埋古塞。積雨發秋雷。白雁雲中到。黃河口外來。傷心身世迂。霜雪滿頭催。

同戈驛

李花開出晉陽宮。義士同戈氣決東。衰草祇今無馬跡。滿山落葉戰西風。

漳水源

清漳發源處。淙淙紛白波。馬蹄逐漳水。計日到漳河。

登太行絕頂

西來雲氣接崑崙。匹馬登臨絕頂尊。蹶起雄爲天下脊。歸然亘作晉陽門。沁河一道穿漳水。上黨孤城俯太原。回首武靈餘舊國。暮朝荒堡自朝昏。

擬古謠

捨得郎，打得狼，捨得女，捉得虎。

愚上人靜室

半谿積雪板橋閑，一樹寒鴉屋數間。相見夕陽無別話，邀予同去看君山。

虎邱對酒簡遠林

對酒要離塚，髯公氣尚雄。江離游女佩，涇草舊王宮。遺恨增春雨，驚魂憎大風。不堪歸綬急，古寺一燈中。

題稽磐石心遠堂

積雨城陰漲野塘，空階蘭芷自生香。人如白鶴餐松子，戶有丹蜂製蜜房。心遠自求陶令醉，客來不厭次公狂。翛然彈指驅沈疾，宿世應曾長太倉。

僞吳張士誠故址

荒塗斷草隄，囂宮宿莽蕭蕭泣露蟲。誰見長弓彎薊北，祇留雙塔倚城東。江頭破盡蚩尤霧，沛上驅來猛士風。成敗無言流水綠，誰知王寶亦英雄。

巖叟詩鈔卷二

東汪五河夢游黃山

閒思五嶽載藏書。老至天都好結廬。剩水殘山何事業。枝峯蔓壑遂居諸。秋高溪碓舂雲急。夜靜丹巢透月虛。從此休糧問方外。朝朝短髮任風梳。

靈隱寺同柳公韓作

流水響前山。蒼雲翳行路。朗聞靈隱鐘。近自松閒度。兜輿極冥搜。一步幾回顧。白石明松光。陰崖宿元霧。一泉碧泠泠。自照春風暮。湖山亦蕭條。幸此保幽素。平生邱壑心。對之感生懼。

三宿彥遠水檻

山川不間故人心。三宿溪堂積雨深。一飯紫菘惟我共。百年丹壑許誰尋。人間斗口逢磨蝎。天上蠻腰伴醉吟。身世相規風誼古。多生有願願同岑。

舟過東余憶眉老人

眉老當年此築居。頑仙已去祇空廬。移文不愧山中鶴。封禪曾無死後書。歷歷烟波疑有汝。蕭蕭茶竹渺愁予。何心聖世堅泉石。試起先生一問諸。

柳湖道中

村墅桑陰鴨引雛。暗香兩岸送蘼蕪。一身僂僂篷如穴。四月清和水滿湖。夢載春雲隨近遠。覺來秋雪徧頭顛。人生半是移山事。莫笑愚公老更愚。

過鹿城

朝覽鹿城雲。暮對虞山雨。輕刀截流波。孤槩攀芳杜。人家積霧中。彷彿見三戶。古樹俯爲橋。枝撐罨網罟。水石粲清麗。禽豸靜煦乳。濛濛春夏交。風日罕比數。感此浪游人。依依泊南浦。

雨阻虞山之游

我有泉石心。山河不能隔。自昔懷虞山。飛夢越震澤。最愛虞仲名。鑄此一片石。浮塵視周官。脫躡祚八百。嶽秀立千尋。枝峯亦旁魄。蕭蕭琴川水。清音送日夕。泉聲挾雨聲。飛灑入空碧。仰觀蒼雲馳。將理登高屐。虞山送春

登山自昔慣悲歌。目斷殘陽喚奈何。五載送春皆客路。不知春已送人多。

弔李金兒墓

金兒、章邱人。元末被張士誠俘。使侍其母曹氏。金兒警敏有殊色。妙解術數。曾諫士誠勿居江南。將有大患。雖不見聽。然雅重之。將冊爲妃。金兒聞之立逝。墓在常熟西北。初墓爲亂兵所發。其中珠玉。張之乳母得之。其子遂編章邱籍。冒李氏云。

石人挑動沸寰區。賈販橫戈袒臂呼。征戰朝廷成鹿馬。風塵天地混龍豬。矯修恥拜金妃冊。胸息旋收玉女符。說與井龍渾不解。至今殘月冷姑蘇。

羣雄競起問同讐。何事神仙亦暗投。赤白未分真帝子。元黃空隱女留侯。福山定不藏遺蛻。寶玉還將比竊鈞。潔處更能存大義。笑笑趙武老章邱。

西軒爲邱季貞題

楚州秋色在城西。千樹梧桐晚雉齊。亂後自餘明月好。霜前仍有子規啼。連山送客悲芳草。向晦齋心對碧溪。十笏一軒書萬帙。蒼雲深隱鳳雛棲。

雨止梁化爲見過山居

君攜邗上月。忽踏白門烟。七日雨方止。一籬花正妍。秋茶烹石乳。朝槿閱流年。聞說桃根渡。笙歌壓酒船。

赤石磯柳花下畫集

亂坡臨水賣漿家。十八年前此看花。一去滄江迷客棹。再來白首映仙葩。方山雲物依龍寢。亳社金湯泣兔罝。莫放清陰淹永日。夕陽高雉送歸鴉。

同孫豹人江上看月

大江千里白。寂莫兩人來。夾岸金戈戍。重山鐵壘開。風閒微度磬。波靜穩浮杯。指點殘星盡。題詩待爾才。

贈徐卿

路轉城東灌木秋。朝雲晴日照丹邱。家鄰古塔千秋寺。閣倚滄江萬里流。愛客嘗維花外馬。忘機自狎水邊鷗。行年五十頭如漆。坐看兒孫耀錦裘。

桑墟

桑墟風送馬頭沙。舊有澄湖似若耶。湖草不隨湖水盡。春來徧地作黃花。

老鶴亭

老鶴亭南渡小舟。蹇驢三五載沈浮。晴春碧水明如玉。祇與行人照白頭。

公路浦

王家營上見河南。萬井烟沈曉日酣。車馬不休離緒薄。河邊柳色自氍毹。

舟中望攝山

頂上孤雲似客孤。中峯蒼翠轉模糊。藥苗亦待勞人用。爲問山僧摘得無。貌得山形瓠子肥。看山之背綠霏霏。枯禪野鹿無機事。著我長吟來采薇。

聖秋至自薊門得楊猶龍方伯書兼有所賦賦謝

楊子寄書汴水頭。致之者誰韓荆州。開緘朗朗見秋雪。新詩千百驚心眸。溫然尺素語真切。兼損清俸雙精鏐。我知楊子作吏如冰蘖。親從學士領藩臬。度支今長大河南。法星舊建山西節。山西昔有王太倉。山川雄峻歸書囊。我亦曾爲晉陽客。栖栖代北心哀傷。兩賢相望後來上。兩賢謂方伯及弁州才大何須問尋丈。自憐歸

早不逢君。西顧浮雲氣彫喪。鳧盟茂三雙。白璧登高同指黃。沙磧一雁驚霜。落日昏。萬山擁塞。崢嶸赤。卽今汜水長東流。大江勢接無春秋。君情浩汗薄千里。嵩雲鍾月遙淹留。卻憶悲歌在燕市。手披韋素忘金紫。朝罷元亭閉竹陰。詩成海澨看流水。四年踪跡如雲鴻。釣竿旄節隨西東。韓郎亦作章貢客。側身天地心忡忡。

宣廟御筆歌爲菊溪憲長作

濠梁真人聖曾孫。太平御宇朝羣臣。尙書進講日不倦。英姿颯爽儼有神。三楊補天立鯨極。原吉謙驥嘉謨臻。瓦剌弭耳黎利伏。容斷迅掃畿南塵。邊堡無烽武威飭。大蒐卻與臣民親。不言蒟醬開夷燹。恥聞祥瑞徵麒麟。深宮燕衍娛玩物。堊金燔土成奇珍。山川花鳥異情狀。圖繪清淑兼輪囷。春雲澹燭冬皓潔。雨峯濃渲寒林皴。碧鳥當風卓纖穎。銀鱗折尾蹙細鱗。蘋婆暈紅豔女頰。枇杷含露黃琮勻。菴繇噉啣各自適。四時氣備如生新。聖人藝事通造化。搏挖在手開乾坤。展觀此圖意愉悅。馳想全盛皇風淳。廣歌在廷絃在野。君臣一體勤咨詢。遐天率土盡入貢。空山絕谷無負薪。吮毫怡情萬幾暇。趙十一郎難比論。二百餘年尙完好。不因兵火化陳塵。鴻寶自賴護持力。旣散復合同延津。內鄉家世著清白。貽謀此冊良苦辛。焚香恭對什襲祕。庚辰進士臣許宸。

金陵故宮

朝出天津橋。浙浙水帶索。暮行清溪濱。馬洩亂芒屨。陋巷猶居人。宮牆竄鼯貉。云是故宮道。敗堵仍朱堊。

恭惟全盛時。皇居壯京雒。真人起淮泗。一劍驅沙漠。神鼎定金陵。卜世過岐亳。劉基相潤漣。王宋陳方略。
 粉雉包山川。芳湖填燕雀。南面園邱壇。背枕鍾山薄。鄧林採榲楠。越裳貢丹雘。巍然未央成。萬戶千門落。
 閣道鉤檜栳。斗杓抵龍角。玉堂蠹文鴝。金吾仗神爆。赫赫武庫藏。赤電霄煜燭。翳然紫籙深。琅玕朗獬鷲。
 晶晶蓬萊波。的的芳菲鐸。繡闕祕椒圖。雕櫳鏤鸞鷲。經營追靈沼。花鳥匪良嶽。蒸土繚垣墻。利錐不能斲。
 延袤萬丈餘。堅比南山砢。鸞輅參陳章。麟臺畫魏鄂。日御奉天門。虛懷問民瘼。魚服求葑菹。虓怒斷鯨鱗。
 宵深不遑寢。一事古今酌。孤三卿備九。郊藩教胄學。燦然鉅典章。萬禩尊嚴確。有道字四夷。宸居磐石萃。
 日月光門庭。關河自鎖鑰。予奪成春秋。喜愠關露電。櫛沐誠艱難。金湯實天作。一傳用方黃。儒術翊文弱。
 制度改周官。桐封背漢約。僉謀專趙括。不忍誅晁錯。未報吳宮秋。皇孫燕來啄。十族魂驚天。瓜蔓血盈壑。
 養士三十年。報主良謬謬。英君自待邊。明堂建龍朔。新宮既崢嶸。故宮自寥廓。新宮北極高。故宮新草綽。
 寶訓蛛絲沈。金根苔臥拓。罽毼彫翠華。楊帷乾蕙葍。陰凝黃屋霜。愁灑禁林籀。尙念高皇功。龍顏儼元幕。
 溫涼虔鼎俎。節候陳精臚。醇酎屠蘇膏。新榷石泉淪。白頭老中官。玉帶花錦襪。躬親執掃除。啓閉專掌握。
 溝水細涓涓。宮雲淡漠漠。彷彿燕支痕。隱約爐烟燭。甲子五經過。棟礎半摧剝。流寇恣披猖。長安燄天焯。
 憂勤十七年。社稷死無怍。新宮既淪陷。故宮剩棊枰。四方摧心肝。帝子還飄泊。二三黃髮人。憂思席不著。
 田鮑魚菽閒。水火般般搏。黃門拔劍起。外恃熊虎曠。中宵策始定。縞服迓素幄。百辟朝行在。草創安儉約。
 遂有豫章材。湧地就繩削。厥惟五色土。啓窳皆型燂。于時望宣光。萬姓咸呼躍。故宮幾興矣。黃髮恣籌度。

自從貴陽相。懷甯牆壁託。燕山出總師。欽案大翻駁。醜逐劉張徐。高姜繼去閣。朝綱武臣典。密疏瀆且數。
楚豎竟指戈。妄言君側惡。盡撤淮淝兵。穴鬪西南角。殭屍塞洪河。肝腦江流濁。澤清倒戈來。天塹一笈縛。
鎮兵鳥獸散。定南頸貫鏢。悄然如無人。江山靜濯濯。左賢居深帷。浴鐵滿城郭。移民安部曲。築堵禦侵掠。
日聞故宮聲。丁丁勤斧鑿。一木疲千牛。石走萬車脚。故宮遂蕩然。曠莽馳飛駁。誰問荆棘駝。空憐腐草燭。
歛輿垂亡時。此理似難覺。譬如將燼施。欲熾遠一爆。舉首瞻故宮。故宮成汙澤。大哉高皇功。廢興豈關若。
野人近宮住。廿年悲落魄。出爲露肘行。入不飽藜藿。皇皇喪家狗。慄慄入市獲。掩涕急前趨。蹒跚類羈繳。
復見鍾山雲。蟲蟲芙蓉萼。映日布靈旗。隨風過五柞。松枯雖盡髡。意象逾磅礴。燁燁龍鳳章。未是虎豹鞞。
夜螢羣鳥驚。朝卷千峯蠖。焜煌金簡書。縹緲神仙籥。幽蘭終歲芳。甘礪寡涸涸。埋金累嬴秦。秩望匪廬霍。
六代不敢陵。蠟屐名賢著。香埋寶誌棺。雨蝕蕭公鑊。蒼蒼齊梁寺。至今存遺蹕。山貌一朝童。山藏萬古囊。
渾淪元氣中。四時備涼燄。麥秀我吞聲。髻攀誰冥格。疢疠聊咨且。慘澹還矜愕。吟罷故宮詩。願化鍾山鶴。

柴門

雨積荒溪沒柳根。沿溪紅蓼類江村。幽居何處無秋色。況復寒山對華門。

登雨花臺

漸看嵐氣入烟流。尚有斜陽鎖石頭。莫把江山當倦眼。武皇壇時白雲秋。
馬散荒原苜蓿香。高城空帶一川長。華林芳樂徒秋草。誰復名園記雒陽。

公路浦送別

最惜磯頭月。天寒一倍明。孤篷秋水闊。相送故人行。北去無霜雪。南來有雁聲。玉簫吹不盡。都是客中情。

李文孫。北上泊舟江口。瀕發次淡心韻送之。

江聲迴拍處。此地兩停舟。斷岸新林浦。黃雲古戍樓。星期嚴簡命。日札慎交游。風雨良朋酌。河山重一留。

瀘湖紀義

瀘民鬻妻治母棺衾。妻往不二。遂鳴之官。琅函令君。捐俸歸之。同人詠詩紀盛。

鬻妻完母報勤劬。河日當心矢志孤。已分鸞鏡成故劍。轉因烏哺得還珠。蔡廬木有連枝出。潘縣花當並。萼舒。廉令捐金全孝節。千秋三義識瀘湖。

郟村紀事

高瀘古溧水地。自弘治閒。始立縣。土壤相錯。催科互委。逋欠積年。家琅函令君詳允臺司。因會溧令親往郟村。丈量一清。注冊徵收。刁黠靡由詭卸。閩邑賴之。

錯繡地形沃。叢奸民力虧。高瀘古侯國。分自中山支。脣齒二百年。賦乘互隱辭。在昔統一氣。催科靡詭欺。譬如自身手。瘻則搔扶之。爾我既判然。疾痛何繇知。以此勞鞭呼。強力聘厥詞。瀘侯毅然作。削牘陳臺司。駢駢駕駟牡。奕奕霏朱綬。露書檄閔侯。蒲穀會黃池。窮冬大野淨。冠蓋紛參差。匪曰懷燕游。民事實在茲。郟村遠城邑。風豈有郟遺。男耕罔窳惰。女布寡類疵。惟莠及早鋤。誠畏瀘俗漓。長弓驚電駛。權算流星馳。

千頃鏡掌握。吞噬吐毫釐。質以蕭相冊。載詠公田詩。良法一朝定。勒績磨穹碑。濟侯盛才略。坦靜人莫窺。利輿比樹木。弊去如決陂。五載扶凋傷。馨竹難書奇。徵車旦夕下。懋治益孜孜。郟村衡尺在。千禩能無思。牘下志喜

酒令力請歲減浮額八千七百餘兩軍府報允

粟死金生會。屏黎類草菅。屢傷財力匱。未許官情閒。奏記千行淚。浮徵一旦刪。憲章如瑞雪。同日到民間。折運天王定。增漕萬姓驚。遭逢強項令。祇有抗顏爭。民命懸絲髮。軍書寄死生。經綸當實際。天亦鑒精誠。臘月十五夜月

獨立瀟湖月。紛紛白滿庭。遙知湖水上。夜氣接空冥。風細肌增粟。霜明鬢點星。耐寒還倚檻。歸雁自堪聽。溧水夜發

寒月照路路如水。馬蹄踐霜聲齒齒。城頭譙鼓傳二更。爲問羈人何早起。

張烈婦詩

古有奇節士。潔心抗金玉。甯爲千秋死。不受一言辱。婦人豈其然。吾鄉見英淑。夫子事詩書。高吟動空谷。少婦持門戶。中閨勤杼軸。詬誶胡爲來。及我堂與屋。盜將憎主人。室且穿雀角。一死雖曰輕。足以勵頑俗。悲哉此何人。女中之羸蠹。

睢陽湯烈婦罵賊殉城死

乾坤流血蹶天狼。廣武仍爲百戰場。書卷何人留種子。香奩有士作金湯。年來正氣多歸媼。曾讀春秋自

識王國史欲亡彤史在。中原千載兩睢陽。

寶應舟中與錢席雲夜話

百川初灌大河秋。細纜同牽溯逆流。三百水程行六日。一年風雨集孤舟。公明學易甯因卜。平子吟詩未遣愁。世出世閒君見遠。深燈夜半散離憂。

淮上聞雁作

秋高落葉滿山陔。繫纜殘陽對浦漁。生事盡看頭上雪。行藏聊寄篋中書。黃河波浪初聞雁。白草泥塗懶跨驢。欲洗客愁愁轉劇。蒼涼人誤作三閩。

曉發穆陵關

朝發穆陵道。磽磽石子繁。霜迷大野闊。日比故鄉寒。曉凍沙河拆。天清嶺路盤。荒嶠聞戒過。長劍馬頭看。

嘉平月夜歌贈固菴

昔日太微起西極。人如太白學太元。及門遲董與孫宋。傑出更有韓詩賢。韓子胸中備元氣。渾涵雲瀆翻星淵。崆峒移來石城側。黃河勢落長江連。烏龍潭水數間屋。南岸芙蓉北修竹。女士朝雲領話頭。老人妙意同饅粥。名高豈遂巖泉隱。冠蓋金門又徵逐。十年出處雖紛然。一片閒心在麋鹿。我來長安冬已三。長安風暖如江南。寄君廡下飲君酒。八斗二酉誰能探。文章勳業本一致。對君始信非空譚。殘雞木榻一燈

炯精神。歷歷龍泉函。嘉平望夕天如鏡。雪洗空寒一輪淨。興酣起舞影婆娑。訥訥團樓自中聖。西峯冷翠夜檜傾。羽獵長楊畫街靜。經綸老手如爲郎。一鶚橫天刷霜勁。中丞詩句舍人杯。大雷喜得參軍詠。海內同歸北斗人。中丞謂孝翁。舍人指友沂。參軍綺季。豫章北斗太微贈句。天涯尙覩南風競。百觚進酒君莫辭。松柏受命獨也正。

贈魏環溪都諫

古蔚先生海岳心。直聲震世意蕭森。踏霜有馬朝趨署。剪燭無人夜袖金。力穡不虞官俸薄。事君祇慰母恩深。退朝一室嘗閒坐。山水橫牀響素琴。

送姜九之太原

太原驛路出恆山。千里雲盤鳥道閒。馬過井陘峯不斷。春深汾水雁初還。傷心寇燹灰宮闕。握手英雄解劍環。念我昔爲經歲客。送君惆悵指三關。

與張毅孺話舊

十五年餘別。三千里路寒。相逢如不識。一笑豈無端。歸鳥依松砌。層冰凍井闌。便期明月夜。沽酒待予看。

李過廬參藩河內

達後十年惟讀書。長安蕭寂子雲居。巖藩夙倚中原勝。使節今勞太史車。楚澤香蘿懸佩潔。條山朝翠引窗虛。聞知世德名儒遠。清白聲傳到井廬。

給札橫經虎觀東。還淳今日賴羣公。誰如汲黯行河內。故借匡衡出禁中。桑竹祇勤民事朴。雲山重繞地
圖雄。使君吏治緣經術。淇澳詩先采衛風。

送叔夜韓六令永嘉

越水吳山路五千。君平裘馬去翩翩。花城紅濕迎車雨。沙嶼青迴買犢田。兵後租庸民力盡。軍前啓事令
君賢。竭來功譽乘時立。莫羨巖居有少年。

雪中懷沈友聖

百篇斗酒興遄飛。破研深杯手自揮。吟過三更人下榻。醉難一步我扶歸。情深流水懷湘郢。春後狂花惱
杜韋。相贈舊京龍虎句。澄江端不讓元暉。

至孝爲錢里張母頌

血出六器。姑病以濟。身可作舟。姑溺以浮。惟孝恆德。事駭觀聽。一往勝天。厥惟人定。凡人所苦。疾痛陸危。
有婦如此。起死撥之。是醫王藥。是大慈手。無忝我生。于心何有。籲天減算。卒以身殉。愍愍幽光。如日千春。
暮春讌集柳湖。送韓叔夜之永嘉。徐存永之中牟。黃仲丹之東萊。方孟甲之平陽。予亦將往福州。
松閒車馬曉經過。古寺風晴逼永和。兄弟十年同雪跡。樽罍竟日對烟蘿。禪參月上心期靜。柳折春深別
恨多。懶散玉山無算酒。可憐去住總蹉跎。

聊城雨泊

清和天氣雨絲絲。烟樹聊城就泊遲。最憶江南端午近。菖葵花發滿東籬。
捫蝨

依人直到海雲邊。捫蝨篷窗祇自憐。莫怪石尤偏作惡。廿年不使順風船。

夏鎮簡顧見山水部

楊白花飛盡。蕭然水部居。余將觀海若。君爲話河渠。別久書魚簡。官閑鶴篆餘。年來蘆渡月。秋夜幾盈虛。

懷柴丈戒生

百尺桐陰一寸苔。墨香茶熟夢初回。木然老衲閒相對。車馬過門總不開。

舟晚

浴罷坐船窗。風吹草香歇。河廣萬星涵。長庚大如月。

東昌府

來經東昌府。去過白溝河。山川最寥廓。只有戰場多。

雨後得殘酒。無燭舉火謀之初。荔以嫂氏鏡奩中。澤髮之膏相貽感而成詩。

連朝風雨倒梧桐。殘酒酸羹一歎中。爲急彼僮心似棘。可令吾嫂首如蓬。天涯失路哀王粲。廡下齊眉少

伯通。耿耿一燈明破壁。小窗歡笑聽兒童。

地震

己亥八月十八日

老樹垂垣白日幽。怪風惡雨過牀頭。月城不沒惟三版。坤軸驚搖動九秋。災異誰書尼父史。溪山懶眺越王樓。晚來鼓角商聲發。野客無聊看斗牛。

女姬姜

女姬姜。買自漳。去衵衣。膚凝脂。著眼看。無疤痕。買如一犢。賣得一斛。

海濱優

海濱優。買朝歌暮舞。鐵甲彈。風月十五。烏艘壓渡。優爲虜。一紙入公門。遷怒思覆楚。嗚呼。一紙入公門。十年坐囹圄。

三婦泣

三婦聚頭泣。各傷夫作賊。黃堂喚官媒。變價充兵食。一婦五貫贏。一婦十貫抑。一婦稍姿容。白金一銀直。九年閉幽室。一朝見天日。大府羽書來。估價不以實。仍驅入幽室。不得見天日。

海濱吏

莫作海濱吏。父母棄道傍。死不含殮傷中腸。陳情向大府。大府言咄爾。爾不見太守。爾不見司道。羽書旁午。誰容爾守家園土。中夜哀呼。血淚如雨。出比軍需。血濺桁楚。

運糧難

運糧難。汀州斗絕萬山盤。清流之上阻巉巖。清流之下九龍十八灘。在上六七百里。老弱負戴背背癢。下

山不見公家船。公家船。一去赴省。不得歸還。一日無船。露積漫漫。二日無船。雨浥風殘。一石米。二石費。風雨來。又加倍。大府不允折色。剝得幾肝肺。

運草苦

汀州運草尤爲苦。草積船中高丈五。前不聞後呼。後不見前所。溪流千曲峯如刀。一失手。問波濤。

雜歌

團團樹如蓋。下有草如帶。儂止食荔。不拔大薤。

攔江捉大魚。一撒網不收。網斷紐亦弛。貽笑泥中鯽。

取我一口。與我一畝。取我一狗。與我一婦。我與汝爲友。

漁父怨

漁艇不能載馬。漁父不能汎洋。胡爲旋我乎溇下。繫我乎河梁。妻子凍餒口無糧。云胡有魚。吾其舍舟而徜徉。

寄錢塘彥遠

虎林兵甲接螺江。千里軍聲斷客艙。月下山城春寂寂。風迴石瀨夜淙淙。絲懸鼎耳人長在。弩射潮頭氣可降。卻憶草堂安定史。雲鬢竹葉對香幢。

雲客傳樸園詩來因和以志喜

策推亥子歲當易。羈人天末聊爲歡。辛盤自耐官署苦。炎海卻話燕山寒。故交一別有生氣。新詩萬里能傳看。螺江鯉魚汝珍重。相思字祇書加餐。長安大雪沒駝脛。閩山天桃春翩反。喧妍栗烈共此日。漁樵簪絨同煩冤。腐心幾時歸老馬。迸淚何必鄰清猿。因樹屋中語聞道。三年詔獄尤深恩。

延津山寺訪陳昌箕博士

潭州城外路。此地合雙龍。寶氣空流水。蒼雲秀九峯。廣文官自冷。名士世稱宗。卻憶承平日。雞壇載筆從。南歸過仙霞嶺。聞芝麓左遷卻寄。

客年祇讀過嶺集。今日亦爲過嶺人。剩水殘山愁不斷。頭童齒豁老成真。地維誰補東南缺。雲棧難驅虎豹羣。萬里故人聞再謫。可能便卜白門鄰。

送丁野鶴辭官歸琅琊

萬里蒙衝戰鼓秋。海天一鶴去悠悠。自知彭澤腰難折。亦笑淮陰面止侯。明聖酒杯牽岸舫。琅琊山色著書樓。最憐紫帽中宵月。望斷飛鳧過上頭。

南京司馬歌贈陳徹菴使君

南京司馬蘇州守。一住深山經二九。偶然放櫂故宮秋。八首詩成淚三斗。冶城淮水恆棲遲。大易離騷不停手。道院霜凝百卉腓。醉余仍買金陵酒。飲君酒。重君心。重君古道輕黃金。登高只作廣武歎。抱膝還廣

梁父吟。君不見鍾山龍盤石頭虎。長江日送蕭蕭雨。萬歲衣冠拱暮雲。忠貞魂魄依芳杜。萬歲殿。卞忠貞墓。近司馬寓居。我作吳歎歌不成。君爲楚人應楚舞。楚人昔有劉華容。東山草堂入雲峯。樞曹專業多奇偉。尙書舒卷如神龍。丈夫學術自有本。軒轅風牧何能逢。嗚呼軒轅風牧何能逢。

金陵秋感

朝陽門外草連空。下馬牌邊歎息同。精衛難銜滄海石。烏號誰挽鼎湖弓。龍樓雲氣依稀見。輦道蟠花想像工。欲覓一枝栖杜宇。白頭人泣舊神宮。霜高落葉掩臺城。一鳥荒隄喚雨鳴。楊柳風疏秋殿迴。芙蓉露冷夜湖明。咸陽版籍歸何處。侯景兵戈祇自橫。斷碣蕭蕭衰草裏。幾回拂拭暗雙睛。

將往盱眙

赭山一片夕陽遲。歸鳥柴門繞故枝。劉項戰場看未盡。卻乘羸馬問盱眙。

到盱眙存永留酌山館

五月延津別。都梁喜再逢。風塵悲老驥。骨氣指雙松。花近新豐市。星寒古泗鐘。石泉隣咫尺。夜半聽淙淙。謁沿州陵

借得支公馬。因過漢代陵。追王崇典禮。大孝及高曾。五德乘衰旺。羣靈尙寢興。悽悽霜露地。同拜有山僧。

鬱鬱春陵氣。消沈二十年。楚山仍北向。淮水自東旋。春酒荒榆社。秋嘗冷麥田。朱垣猶斷續。曾憶配皇天。
送存永之中牟

孤雁沙汀外。離心泗水頭。天涯難送客。歲晚易生愁。魚粟荒橋市。人烟古驛樓。虞卿原急友。躡屣問中牟。
臘月廿八日雨中獨坐

寒雨墟村暮。殘年問訊稀。歲華因客久。妻子喜予歸。多難惟師儉。長貧好闔扉。開樽仍散帙。勿使寸心違。

慧叟詩鈔卷二

大雪次履招飲以病未赴用韻簡謝

客舍開樽待客來。野夫無力覓輿僮。入春抱病蠹生鬢。竟夕空庭鳥喙苔。老圃花茵遲霽設。詩人屐齒隔溪摧。年年積素鍾山在。扶杖猶堪日往回。

喜櫟園歸

臺柏風霜急。曾聞詠義烏。斷蓍憂患密。瞻闕老臣孤。杲日原雙照。春風遂五湖。冥冥從此遠。應不借銜蘆。烏衣人借宅。殘帙得重開。蔬爨佳兒供。蘿牆俗駕迴。旁人窺捉鼻。當軸實需才。欲覓圍棋墅。君家有故臺。雪珂上人過訪時予將閩游

老衲雲巖住。尋山到石頭。烟霞誰主客。詩句自春秋。我復閩南去。君仍白下留。虎邱愁更陟。孤塔雨中浮。湖上逢曹秋岳都憲

惆悵嘉禾過不留。相逢烟水寺門秋。詩元老氣幽燕將。酒共端陽弔屈舟。芳草西陵纜渡馬。故人北望一含愁。干戈滿地孤帆遠。回首蒼雲古驛樓。

題嚴先生祠

屢過釣臺下。未登釣臺上。雙峯高出雲。白石自伉閭。俯視長流清。烟瀾非一狀。犖犖羊裘人。形骸嗒焉放。天地陽方亨。匹夫志可尙。古祠巍然存。江聲日悲壯。

江郎山

同李隆吉作
李曾游華山

誰從太古斲雲根。三笏峻嶒竦處尊。鐘鼓自來天外響。星辰如就嶺頭捫。何年姓著聯華鄂。在昔梯援絕劍門。君向太華仙掌過。江郎應否作兒孫。

富沙晤朱蒿菴都諫。時以言事謫司獄。

江海有哲人。身屈道彌長。松柏生屋屨。托根絕依傍。上拂嚴霜威。下臨千仞嶂。矯矯雲中姿。盤盤風日上。諫議漢廷傑。大雅久推讓。早爲明堂珍。預拯曲突煬。曹劉固其儔。誼衡實相抗。屢爲殿陛爭。不顧沅湘放。陽德屯方亨。君言直以亮。游子疲行役。見君神且王。閩山巖穴深。閩水波濤壯。甲士正枕戈。潦水復乘障。蒼生夫如何。欲言非一狀。煩公奏九重。不作臨歧悵。

三山七夕

幕府高居逢七夕。炎邦毒熱未能降。火雲接日蒸南海。榕葉過牆偃北窗。山雨不來雷隱隱。燈花欲暗景幢幢。遙思兒女穿鍼處。瓜果涼生滿玉缸。

懷階六大參

海濱作客懷人處。七夕涼生過雨時。雲壑近檐晴歷歷。星河移堞曉離離。茗香盡日交蘭蕙。案牘千行傍
荔支。不道年來蹤跡近。還同遠道費相思。

遺安草堂歌爲雲客作

遺安草堂誰遺之。鍾陵先生真可師。山田百畝書萬帙。結廬在市鄰山茨。先生已去近十載。趨庭猶若親
承咨。今之高生古孝子。一見生敬別生悲。草堂當日稱傑構。自遭喪亂朱門移。蕭然隘巷迴車馬。多留密
樹交清池。輕雷隱隱暮送雨。綠波晶晶風生漪。高生獨坐友千祀。下薄秦漢追軒羲。著書滿篋不肯上。栖
遲淡泊忘朝飢。三山九峯策杖往。七賢六逸恆追隨。吁嗟帶甲滿天地。薄海羽檄爭紛馳。馮夷滔天祝融
怒。金城鰲柱同時墜。皇天降禳果何意。逢萌幼安甯在茲。高生起舞長歎息。顧瞻樂士涕漣漣。一花一木
存手澤。安能舍此天一涯。入白老母語妻子。皆言賢哲宜識時。草堂山南亦山北。遺以安者先人思。伯陵
所山愿盤谷。高風曠世還相期。君不見河水之間山水宅。萬株梅花閒松石。十八谿光迴出塵。千家力作
靡閒隙。茅齋枕流舟近牀。水碓春雲朝至夕。讀書耕田生事足。春秋課業真恬適。乘輿半日湖頭山。厭煩
歸去如削跡。年來勝地多萑苻。河渚從來無樹柵。我父昔日移家居。三十餘年桑海易。至今滄樸風猶初。
偕子躬耕半峯碧。

閏七月二日曾惟佐池上作

一片羈愁俯逝川。大雲西下問歸船。感君好我情無已。直欲相留過雪天。

答余倅

江岸秋濤雁有聲。隔江書至不勝情。父風山簡池邊醉。客思無諸解上城。蘅杜客來惟寄遠。菰蘆放去未逃名。眼中事業推公子。著作先從問兩京。

送陳謙六還淮上時省兄大參于閩

夜共衙齋聽雨聲。朝來分袂越王城。淮陰備養勤將母。海國閒關苦去兄。細纜穿雲歸櫂疾。前灘湧月大河清。鄉思憔悴予尤甚。裘綌相須祇暗驚。

五代閩王墓

割據羣雄力。三關勢鬱盤。中原深血戰。瀕海肆偷安。石闕山花冷。金風墓草殘。宗支今尙衍。叱隸進壺餐。

池上尋雲客

雨細時看白石陰。老秋天氣觸懷深。芙蓉日日開還落。閉戶詩人自苦吟。

中秋微雨書懷

海上愁雲撥未開。棲棲旅館客徘徊。烏栖行省何王殿。月暗登樓去國杯。長路灘聲清夜轉。短衾霜色暮寒催。三山舉目都蕭瑟。望斷賓鴻自北來。

鼓樓行

高闕層城插蒼冥。千年砥柱開南溟。樓頭鼉鼓繪獅子。石柱盡鏤狻猊形。九楹茫茫夕烟起。唱更夜半星

雲裏山川四面拱神州。巋然旗鼓東西峙。制作相傳自郭璞。雙門雙塔重重築。海山五虎勢并吞。故老工爲厭勝術。七百年中王氣連。白馬三郎六十年。宋明勢蹙偏安日。百官猶此同朝天。規模崇隆地圖傑。行省丞相藩屏節。東臨滄海撫諸蠻。雜選寶琛亂鹽鐵。重重古樹蟠蒼穹。修廊複道紆長虹。風塵夏屋半欹側。階墀白石經磨礱。閩王遺魄尙高阜。衰草蕭蕭孤兔偶。卻怪當時營夜臺。驪山便在阿房後。我遊三山毒暑時。裸體揮扇步懶移。同人盡道鼓樓勝。遠眺最與清秋宜。七月一日祝融走。猛風烈烈吹南斗。飛棟雕甍霄漢閒。大冶鴻毛竟何有。北颺捲西祇倏忽。但聽千家萬家哭。爛額焦頭老稚奔。橫刀祛篋降丁出。君不見石柱鞏立如山邱。不問當年迴萬牛。至今踐踏成苴礫。無人取用支牀籌。父老更嗟五月水。城不沒者三版耳。幾年膏血轉汗菜。萬里遊魂哭蒿里。皇天厄運何人問。民力今難起方寸。鼓樓鼓樓七閩鎮。不堪道路傷遺燼。

邊氓行

古人重開邊。今人重折邊。海濱萬餘里。盡徙逼城隍。田廬一拋棄。婦子徒苟延。縣官計日逐。縣吏如虎來。小人懷土心。此去安往哉。一步如割裂。三步首重迴。彳亍三十里。痛哭皇天哀。阡危立霜露。四顧惟蒿萊。欲蓋頭無茅。欲食釜無饑。富者有親戚。貧者惟兒孫。富者計歲時。貧者惟朝昏。親戚難久依。兒孫亦暫存。歲時不易保。朝昏何能言。一朝去家室。伴我惟驚魂。老妻戴豐釜。稚子負瓦盆。瓦盆與豐釜。何地起甕殮。客自大郡來。盛言官家恩。田廬相交換。有司慎勿緩。環海多汗邪。今且不蓄畚。邊氓破涕笑。客言亦何愚。

安得許多田。安得許多廬。轉轉陳大府。白骨抑已枯。古人重開邊。開邊拓廣輪。今人重折邊。拱手寄他人。古人重開邊。開邊取封侯。今人重折邊。老稚填荒邱。秋風颯颯鳴。秋月古塞頭。遙遙滄海上。鬼哭聲啾啾。

寓目

海風吹斷雲。新月一鉤早。廢堡無居人。野鼠動秋草。

別階六大參

川塗信紆曠。月令良蹉跎。停雲翳前岡。落葉掩長坡。結念事君子。當暑凌洪波。登堂紛綺葛。碧酒陳庭柯。嘉辰高讌會。夜夜朱顏酡。徂秋應元律。去日苦已多。北雁翼南翔。振衣扳女蘿。冰霜戒前路。鄉國猶兵戈。歸心不可禦。悵望山與河。天地有終極。君義誰能磨。

遠遊逐飛鳥。乃至大海隅。層城扼都會。琛錯交王圖。使君壯南藩。意氣縱橫舒。民生困陽九。雨露溽滋濡。山川蔚杲日。草木含英柎。燕居自深念。心與造化俱。我生何刺促。踟躕轅下駒。相逢解墨轡。置之臨廣衢。長鳴一何哀。報德中難據。義馭無停策。催我舟與車。揮淚自此遠。且爲立斯須。

贈別法黃石大參

喬松產徂徠。其下無纖草。躡蹻天路開。萬里秋雲掃。使君軼塵姿。金閨致身早。夙毓蒼岳精。永言白壁好。縉思汲淵元。弋始窮軒昊。五經一紛披。百吏盡傾倒。鬼神豈與能。天地非愛寶。琅琅吐英實。落落關吾道。一出承明廬。千騎東方纛。大海臨波濤。連山亘牆堡。經綸靜迺裕。身出手彌老。蕭然澹泊心。自起生民藁。

王國建子月。烟嵐恣晴顯。眷言慰疇昔。錄別動煩惱。夷猶中流情。美人日杲杲。簫鼓引風泉。山川擘清灑。古誼匪云微。獨露中腸皓。溯洄涉難從。脈脈傷懷抱。

三山逢蔣穎揆

螺江歸計始擔簦。忽遇高人蔣杜陵。木榻紙窗連夜酌。枝峯蔓壑幾同登。攜將敝褐過霜雪。日有新詩贈友朋。更挽行舟窮勝覽。鼓山期對白雲僧。

毛文山招集有介草堂兼志別

歲暮風晴似早春。梅開草閣迥無塵。天涯捧檄逢毛義。花下傳杯對許詢。樂事三山忘逆旅。心期千里若比隣。不堪大地軍麾滿。更買扁舟出七閩。

贈林伯奮孝廉

聞君八口住漁溪。茅屋深深路欲迷。卒歲耕田隨淡泊。隔隣沽酒自提攜。十年讀易蒼松長。萬里懷君白日西。世事多更堅節概。人生難得老萊妻。

小灤夜泊

激箭奔湍流向東。孤舟夜宿水聲中。羈心至曉不曾寐。又聽舟人話北風。

飯夢筆山山爲杖人祖庭

江郎夢筆山仍在。迦葉拈花事已空。飯罷影堂看遠翠。一聲清磬出松風。

益公贈方竹

世外多情人。愛我贈方竹。自選經霜條。幹老節逾蹇。根盤亂山底。葉散彌天綠。持鋤破古苔。掘石振空谷。矯矯游龍枝。入手碧如浴。尙圓舉世同。取方惟我獨。楞楞指爪閒。響答松風謔。感君太上心。扶我嶺頭足。會當撥雲行。千峯萬峯矗。

送五竺游廬山

君辭武夷君。去問匡山老。春流漲彭蠡。五老迎孤棹。抱書坐篷窗。精意出八表。蓮社今何人。籃輿亦悄悄。惟應山下鐘。相待松風道。

拜玉菴歌爲櫟園司農作

拜玉菴前數竿竹。拜玉菴內書千束。櫟園老子朝夕拜。觀察使者程仲玉。程仲玉者今何人。三晉名賢奚肸倫。虞卿滕公不足道。持法如水哀孤臣。八閩波浪風撼撼。有物含沙射明壁。覆巢幾已無完卵。甑破何能顧。瓠齏萬衆號。天白日寒。高生四泣涕洟瀾。長庚食昴虹貫日。秃翁首鼠猶兩端。公也一乘臯陶律。爰書細察秋毫實。王公吳公見且同。南山判案春秋筆。真金百鍊出精光。松柏難凋十月霜。一朝忠誠變天地。九重詔下生還鄉。孤臣生還法吏死。忍將一哭酬知己。數椽未蔽風雨身。斗室先勤蕪酒祀。龍蛇四壁環中祠。吳歛楚些歌離離。範金買絲亦何事。片紙寫出英雄姿。千年古道照冰雪。萬里肝腸斷金鐵。蕭然九尺鬚眉蒼。世易風頽見人傑。憶昔我友旅堂子。著書懷古不入市。崎嶇謁公緣食貧。脫手千金如敝屣。

客歲栖栖南海旁。郭生畫公頰毛長。賤子一見淚雙落。爲感櫟園與旅堂。

題無意老衲扇

老衲舊京兆也。

剩水殘山幾度春。方袍兩月住長干。偶將京兆眉端筆。畫出峨眉古雪寒。

送余鴻客遊東粵

我自三山萬里歸。君行東粵片帆飛。無端去住關情甚。芳草連山悵夕暉。

元腐

昔人詠豆腐。多形其白。今曹縣以黑豆爲之。其色獨異。戲反其詞作此。

舉世能知白。君能獨尙元。烏衣原有種。紫巖豈同年。應佐胡麻供。還宜瓦缶煎。一羹思太始。未剖燧人前。
蟻磨旋天地。元黃攪夜分。誰飛東海鹵。遂結北山雲。變素思移俗。加餐待錫纒。顛然持黑白。喉舌總無聞。
欲尋漆園故跡苦熱不果

莊生吏隱處。陳跡幾存亡。安得千章漆。猶生六月涼。問材徒感櫟。觀世止踰枋。塵土迷前路。難從問影堂。
濟陽城光武生處

銅馬懸弧日。昭陽滅火秋。蹶興同草澤。神胃自炎劉。雪恥宗尤烈。膺圖道用柔。迢迢豐沛地。衣帶接黃流。
劉東平廢第

舊說將軍第。樓臺幾處存。畫龍銷彩棟。蒼鼠竄頽垣。郿塢藏終發。丁公罪莫原。留連看白石。宿莽易黃昏。
曹縣送陳宗來

同作兼葭客。蕭然河上秋。送君歸故里。大火正西流。匹馬循秦嶧。離人集楚邱。依依城畔柳。欲去更淹留。
訪邢百穀

雨後城西問草堂。秋瓜引蔓繞寒塘。主人早出柴門閉。一柳搖風到夕陽。

冉堦三賢祠

十哲三賢著。孤村此發祥。遠廬仍族姓。奕代儼祠堂。露重梨垂瓦。塵清碣滿牆。眷言遊闕里。先過仲弓鄉。

濟甯南池

詩人題詠地。千載說南池。柳色晝還靜。荷香秋未衰。飄零傷大曆。故老認殘碑。暫息看流水。風塵白袷縑。

曲阜謁先師廟堂

羣山宗崑崙。祭海必先河。宮牆徧天下。曲阜尤巍峩。崇墉壯四極。紺殿浮雲摩。斑駁漢唐碣。挺拔凌霄柯。王享未足異。秉禮誰復過。浩然觀氣象。秋肅而春和。賤子東南愚。少卽事絃歌。老生三十載。志氣成蹉跎。瞻拜淚隨下。大道良非他。

顏井

在昔學道人。一瓢掬此井。泠泠三十年。淳泓湛清影。鳥鳴紫栝深。日下蒼苔冷。禮門晝長鐻。周垣敞難整。

懸知素臣心。曠世居一靜。春流漲洙泗。浩接江河永。泊然渺盈虛。載汲惟修綆。

杏壇觀祭懷姚伯右

周禮惟存魯。秋嘗啓杏壇。客中逢盛典。良友缺同觀。烏礪松陰碧。龍墀雨色寒。穆然元氣在。懷古思漫漫。

觀祭之次日爲予生日感賦

勞勞五十四春秋。二十年來幾浪遊。風雪蒼蒼鬢髮短。乾坤瓠落一身浮。何期闕里親鐘鼓。直溯尼山拜冕旒。至道未聞從景仰。餘生垂老復何求。

賈叟山居四年矣從令子國士問其近狀年七十健甚寄一詩

賈叟南山屋。蕭然有道存。城中無履跡。膝下長兒孫。野鹿窺丹竈。寒花覆酒樽。懷君增感慨。得得憶秋村。

真江春興

卜居偶愛真江好。茅屋三間遠市城。隣圃及時供菜甲。野隄閑步聽倉庚。花隨駛水春潮急。柳濯荒橋夜月明。更向高樓一騁目。風濤滾滾送江聲。

幽事何能與意齊。杖藜書帙小窗西。碧桃滿地游蜂出。新竹抽林亂鳥啼。空設酒瓢懷我友。不殊風景慰山妻。江皋草長無行蹟。縱使漁人路亦迷。

千秋行

君不見濟水多伏流。密穿太行過兗豫。及其出地勢莫當。百泉趵突飛空注。我觀英雄人。剛果嘗不泄。一

朝大故當前頭。憤不顧身志何決。李元禮。陽道州。其人與骨俱朽矣。奕奕生氣橫千秋。

劉寄奴井

司馬久竊位。象龍應再王。傑然王霸才。蓬蒿氣迭宕。耕田山澤間。輟耕一惆悵。靈異時相聞。神鬼類芒碭。此事千餘年。山河幾淪喪。猶傳寄奴井。一泓清閭闔。徘徊生遠懷。英雄果何狀。皇天未厭亂。老僧急禪讓。百二廿付人。六十恥一將。遂使中原禍。延蔓及隋煬。悲哉魏晉轍。豈獨自貽創。

寄懷天放上人

十笏茅菴住。楚僧菴前菴。後竹層層陰。雲低戶坐無暑。夜雨敲窗吟有燈。客舍中冷嘗自煮。故鄉衡岳幾時登。與君只隔橫溪水。伏日過橋病未能。

孝女歌

張述泉苑監國醫也。病垂死。女初適徐氏。割股活焉。貞妻周子。作歌傳其事。喜而和之。

盧扁活人好心手。權與造物者爲偶。患至茶然牀第閒。衆工遂巡皆卻走。異哉女子醫獨神。參朮無如血肉親。未辨君臣識父子。一瓣纔進先回春。女子只知割股事。不知毀肌王者議。反經合道事也奇。至誠動天誰敢冀。盧扁旣生人。鼓缶天下父母皆長壽。莫言女子身最微。神工又出盧扁右。嗚呼噫嘻。古來孝女何能多。生有緹縈死曹娥。若使丈夫盡若此。女者綱常萬古誰能磨。綱常萬古誰能磨。

廣陵夜泊

燈火人家水一方。關門遙夜露蒼蒼。平山萬里斜通蜀。垂柳千年盡姓楊。賈客蘭舟閒買醉。佳人珠箔坐焚香。最憐廿四橋邊月。幾爲陳隋照戰場。

北風吟

北風吹客客無家。枯樹山門噪晚鴉。志士傷心感霜雪。肯將苦酒送年華。

歷陽書懷

鎮陽樓閣俯層關。遠渚平沙浴鷺閒。烟汶重重環百雉。雲帆獵獵過三山。市橋張籍遺風古。花草虞姬滿目斑。更有真龍留聖藻。日星常照斗牛間。歷陽西望近天門。落葉荒江載酒樽。餓士猶傳張不二。詩人只憶戴河村。丹楓尙瀆千峯淚。白水新招去日魂。渺渺烟波孤棹遠。傷心舊事擬誰論。江臯衰柳隱孤城。湯沐多年壯舊京。宿野桑麻看蔚塞。流風文物恥肥輕。西來鐵騎人遺恨。東去銀濤患未平。香烈祠邊漫回首。愁聞比屋有啼聲。城闕啼鴉返照殘。蕭條極目水烟寬。雲埋鷄籠香泉潔。月暗烏江古廟寒。牛馬颺馳誰挽轍。乾坤人老幾還丹。白沙紅蓼孤舟在。只向滄州買釣竿。

孫氏五烈井歌

崇禎八年。流賊破和州。自守博士下。死者十三萬人。婦女七之。孫於朝先生妻馬氏。先掘土穴井。

旁藏二婦二女。城破皆自剄。不斷馬驅之。從井死。而身殿罵賊。賊怒焚之。予與孫仲子敏克遊。敏克之妻。一烈也。示我金侍御疏。及杜德馨傳。括其事作歌。

歷陽人士厲名節。孫家有井容五烈。孤城湯沐二百年。十三萬人齊喋血。孫家二婦與二女。一井真成汝死所。孫母後死能罵賊。賊怒焚之。甘一炬。赤血飛天成紫雲。明膏入地地且墳。至今談者猶色變。當時轉覺無紛紜。真定亦有五烈井。地北天南光炳炳。世間不少偷生人。照此應令毛髮冷。

王氏五烈詩兼簡季子伊皇

伊皇王子以其嫂及姊遺事語予。予徵戴河村墓表賦詩哀之。

王子河村友。不肯文勝質。家以五烈著。含悽言怙怙。崇禎乙亥歲。西寇驍馳疾。城守二日潰。刀斧及我室。勇哉婦女五。一往志果必。曰尹杜魯戴。戴歸未百日。其姊劉生妻。避賊就王匿。不辱奉翁誠。凜凜逾嚴律。事急持母姑。縲斷急靡術。舒頸爭齒刀。快利時不失。或呼叔也助。或伏弟之鑽。彼我雖紛紛。始情死則一。七日面如生。衣結儼有怵。弱女飲凍血。寇顧返走逸。哀哉巾幗姿。剛毅乃無匹。白頭話疇曩。聞風我猶栗。馨香尚闕然。大節誰當恤。君貧我則衰。空令氣交窒。

追弔房貞靖先生

與公
諒人

秦山忽破碎。涇渭日流血。乃有綱常人。獨立挺奇節。田間謝天子。身死性不滅。王蠋爲齊賢。嬰勝真漢傑。

祇今百世下，皎皎欽風烈。

張不二先生絕命辭暨河村先生和詩在歷陽棲雲觀壁間王汝菴以雙鈎本見贈歌以答之

石印不磨江不移。河村書和含山詩。五詩直如峙五獄。棲雲半壁蟠蛟螭。當時賊臣競朋邪。社稷視作土委地。千年日月懸寸絲。布衣直遂成仁志。含山續出首陽歌。河村更識春秋義。前死後死雖不同。要稱奇男子。無愧縱使天柱折。地維傾。橫豎勦劣誰能平。惟有田橫解島五百客。一詩庶足當人百。棲雲雲氣何霽皇。沙菴雙鈎下堵牆。開絨展玩金石迸。一戈一礮千鈎強。低徊拂拭心悄悄。如讀正氣歌與出師表。持此渡江歸草堂。白鶴唳空秋月皎。

小至抵家

至日言歸晚。斜暉在短檐。及成家廟祭。虛訝客程淹。會面歡兒女。浮生困米鹽。簡囊惟一褐。暫得禦冬嚴。

尋花

尋花頻過石橋灣。茅屋誰家菜圃間。萬竹蕭蕭雙杏樹。老僧終日閉柴關。

再游桃花塢

芳蹊重蠟屐。一半已成陰。彌觸衰年感。應憐結子心。晚潮沙際落。春草路傍深。歸棹隨明月。梨花白滿林。

江深閣

江上江深閣。花開客買漿。筍根行入水。竹色坐過牆。選樹遲明月。看人散夕陽。乘春宜卜夜。斗酒十千量。

暮春雞豆塘上作

白白楊花舞客衣。淺淺榆莢點苔磯。芳菲卸盡聞啼鳥。塘上人家晝掩扉。

送何偶圃游西陵

長安同看苦寒月。忽作天南萬里行。全楚軍書聞罷戰。西陵岩石愛題名。袁宏草檄才無敵。王粲依人意未平。知爾有懷向三峽。不堪更聽暮猿聲。

習懶口號

黃閣招游懶啓關。紅妝就榻漫開顏。安能葛越長松下。臥看江南雨後山。

送孟遷還若耶

清和晦日晝停雲。何意長安復送君。楊柳絲牽潞河酒。石榴紅比苧蘿裙。

送謝參軍

五陵裘馬日紛紛。君去湖山弄水雲。古寺晚烟輕鷁子。荷花開待謝參軍。

題博士張伯明先生忠烈冊并簡令嗣公望

睢陽就義期南八。公有佳兒一丈夫。難遏燎原銷犯闕。可憐截指勝全膚。蒼梧回首呼虞舜。碧水傷心薦楚巫。是父方能生是子。千秋忠孝屬吾徒。

送程石門還鎮滇中

南荒櫛沐開巖邑。能吏于今見一班。鳥道萬重通六詔。繩梯百戰定諸蠻。何當輯玉龍墀日。卻喜題橋駟馬還。絕域殊風都不問。相看獨憶點蒼山。

九月晦日同司馬公及諸上人詞流登仁壽寺閣次韻

憑虛俯寥廓。天地此高秋。潦水寒初徹。山雲澹不留。何期支遁侶。同賦仲宣樓。松栝斜陽外。蕭蕭木葉流。

送瞿菴返五龍

曾到剡溪最深處。疏峯齒齒石粼粼。不忘歲月偏忘老。難見山川已見人。北闕地爐松火夜。西陵水驛布帆春。與君同類栖栖者。疲極津梁更問津。

送徐合素之甘州

陽關西出草蕭蕭。長夏焉支雪未消。名士兵閒徐孝穆。將軍天上霍嫖姚。雲橫赤水調生馬。風急黃沙落皂鷗。應是太平無外日。翩翩彩筆重題橋。

送龔雪舫

燕山花落恨金溝。送客依依溝水頭。人比張良猶處女。年如鄧禹自封侯。珠鞭躍馬三河壯。錦臂調鷹五鹿秋。卻憶廬江江畔柳。凝妝樓上不勝愁。

慧叟詩鈔卷四

慈祥蘭若訪道安禪師

義士中涓地。名儒古德居。松楸百年澤。香梵六時魚。槁項緣聞道。掀髯勝讀書。西峯遙在望。蒼翠滿階除。

太監慈承芳舍宅。承芳當李賊

時刺血上書。懇辭先皇帝后。

香山寺

二月春過半。香山山未香。石泉凝積雪。烟栝冷斜陽。傑構黃圖壯。連峯紫塞長。小橋聊憩息。魚鳥已情忘。

洪光寺

古柏藏幽徑。盤盤入翠微。憑高天籟發。近坐雨花飛。靈壑森迴複。晴雲日抱圍。悠然獨來遑。念採北山薇。

臥佛寺

古佛何年臥。松陰晝掩關。津梁疲此老。劫火避空山。月印娑羅靜。雲垂石屋閒。鑿頭思息影。終日聽潺湲。

碧雲寺

勝地開朝日。閒亭倚暮霞。丹舒温室卉。翠剩臥溪槎。鳥爪留蒼籀。龍吟吐玉華。山僧寥落盡。誰與話三車。

贈汾陽令

大岳長河禹鑿斑。美人西望白雲閒。宓堂琴鶴常無事。夜夜飛鳧過介山。

送沈聲聞之汝南

同是江南客。懷歸夜夜心。扁舟無早計。送客又春深。行止情俱劣。風烟淚不禁。仲宣猶有宅。抱膝且高吟。鹿鹿愁分手。素心能幾人。蕭然長短褐。峻絕遠風塵。嗜古無書讀。虛衷有道隣。行行良自愛。月旦汝南真。

贈沈慵仙將軍

白皙虬鬚玉靶弓。花時歇馬禁城東。天雄春綠將軍樹。蓉幕人歸國士風。自許投鞭清徼外。由來錫命重師中。桑弧事定酬初志。還向廬山事遠公。

何丹臺侍御書室落成

曲欄花發舊蒼藤。新築書堂適寢興。何惜錦裘輸質庫。難留春色下觚棱。宜人不斷濃香瑣。待月先懸碧繚燈。聞說明朝有封事。夜深投轄興偏增。

遠公以黃山遊紀相示奉答

君從湯口尋山去。去入千峯與萬峯。纔有路時三澗雪。絕無人處一聲鐘。雲絲忽漫藏丹竈。瀑布長懸礙白松。披寫幽奇隨意出。卻疑拄杖是蒼龍。

退谷孫公所藏謝道韞紅絲石硯歌

退谷先生儒者一網羅。百代搜遺逸。近年八十注六經。鬚髮如銀目如漆。高齋萬卷蒼藤懸。碧紗漠漠涵秋烟。先生研毫窮日夕。絕學薪盡火爲傳。案頭數硯皆古則。內有一物稱奇特。大比小兒食糗餅。質如古鏡含土埴。非石非鑛元精剗。陽虛篆走生駒駝。函蓋擘開中更異。朱絲石子瑩且腴。天然文采朝霞縷。依稀若抱龍蛇舞。千年松麝絳蕤新。在手何殊渥春醪。十六字銘語離奇。道韞款識兩志之。才媛著作盛典。午此硯定自香臺遺。秣陵關舊南朝地。王謝風流連甲第。燕去琴亡片石微。何期更出人間世。老農鋤去似鋤虛。合璧無傷廓與膚。豈有仙靈呵紫電。也同金盃出黃初。噫嘻謝娘自是閨中傑。當年太傅心尤折。從容一解小郎圍。慷慨立斷孫恩蠶。由來人俊物固殊。嘉靖傳來歲百踰。澹園遜園遞珍襲。今從退谷歸眞儒。注經別有玉帶紫。吟風弄月攜之子。莫言掌大澀險糜。曾道揮殘九萬紙。

小憐詩爲性華作

烟水鷓夷事有無。薊門霜樹夜啼烏。豈知素女旗亭酒。識得詩人范石湖。

送郭臯旭之大梁

吹笛燕山風月清。祖筵樽酒惜離情。火流七夕秋初到。客去三河雁有聲。逆旅掃除迎郭泰。監門慷慨問侯生。此行應有梁園賦。沙草萋萋繞故城。

送蛤菴還平陽

花落鶯啼近綠天。支公騎馬出幽燕。十年不爲津梁倦。再喚西陵渡口船。

上巳

禊日閒將禊帖看。孫家新石未凋殘。不知真本真何似。定武如今購亦難。

送李條侯歸灘水

繡袷虬鬚白面郎。十年詞賦獻長楊。偶耽待詔三升醞。不問成都八百桑。才可治中憐小草。狂逢知己署高陽。朱樓且繫驪駒飲。辛苦塵途少賣漿。

寄袁重其處士

孝子娛親菊滿籬。衡門秋水愛栖遲。舊辭東府三公辟。新補南陔百歲詩。軼事江山留掌故。雅游廚俊得人師。淒淒空谷懷賢久。未老書淫此白眉。

賣船行爲愚山使君作

讀書好學施先生。廿年作吏冰雪行。扁舟一卷清江上。使君清比清江清。被服癯然面常苦。看山覽物含淒楚。玉峽蕭灘擁傳來。瘡痍勉竭劬勞補。人傳治績濂溪侔。賦詩亦類元道州。天生斯人若元氣。心思到處羣生休。官舍寥寥繫一舸。茶鑪藥籠行還坐。在官似客意恒閒。富不如貧言自可。如此人方許讀書。徒誇博隨將焉如。敬亭山月孤雲遠。目空萬古追黃初。長安炎敲道路塞。對君芝蘭好顏色。偶然示我賣船行。佳事還從詠歌得。松風謾謾吹羅衣。養食安能得瓠肥。既使荒村齊買犢。何妨大吏賣船歸。

徐電發過飲賦詩次韻答之

楊白花飛水一灣。門前繫馬五花斑。荒廚舉火燒生菜。飯得才人庾子山。
良友天涯得得逢。酒沽易水晚香濃。使期共趁清和月。去看西山雨後松。

雪灘釣叟歌寄顧茂倫兼送電發

雪灘釣叟我所思。聞聲卻自年少時。風塵瀕洞不相見。流光荏苒空汝爲。作者寄書忽稱叟。側身天地誰
吾偶。吳江烟水薊門霜。何日相逢齊拍手。吳江吾昔幾回經。欲往從之浪冥冥。美人只在空江上。楓落潮
迴秋雨零。長年遙指藏書宅。龍鱗老盡松花白。拄屋堆牀。坐眠。既取精腴剩糠粕。鹿門蕭蕭一畝宮。門
前奔走皆豪雄。月旦何殊汝南劭。羔雁同歸陳仲弓。登弧雅頌人孤勁。齊梁敢與周南競。氣格全收古澹
中。風流一掃淫哇淨。索詩屢辱寄書郵。文舉曾知劉豫州。君從在野求菅蒯。我愧藏山問蹇修。迢迢原隰
三千里。相思日日東流水。垂死天涯土燼寒。爲君矯首還興起。雪灘雪灘好鬚眉。元真艇子桐江絲。古今
不遠江湖闊。要當與子同幽期。徐郎應是金閨彥。南歸文彩生壇墀。手書緘付石麒麟。爲寄江東白羽扇。

答剡溪瞿菴上人次韻

時事年來不必聞。長林片影日懷君。齋廚澹泊收黃獨。松壑參差養白雲。江上夢迴南浦月。天涯人老北
山文。精藍近處前賢宅。流水淙淙送夕曛。寺近柳嘉賓宅。

答永公寄竹杖

贈我瀟湘竹一枝。蒼梧清淚溼離離。家園南望三千里。何日扶予聽子規。

胡妙山還白下

噩噩慈仁松。終古蒼冥色。明月從東來。身在水精域。同心安定子。讀書抱遠識。揮斥八極餘。靜專藏寸臆。曉露灑崇柯。夕鳥斂遙翼。獨游無與偕。駘蕩情自得。車馬盈門前。華寶儼如塞。浩浩塵海中。斯人詎可測。高秋黃葉下。西山容澹默。白髮倚闔心。悄然中夜逼。念君懷二人。豈能挽行軼。我嘗思古賢。萬事一中直。枵里失其智。孟賁失其力。君歸樂有餘。我愁方惻惻。執手不能歡。勗哉崇明德。

陳澹持還西湖

坦懷遺世人。栖遲偶京國。服習事內景。端居有愉色。高名不能藏。素履固無忒。良辰感清暇。樂意關動植。焚香斗室中。淵淵嚮晦息。一經訓佳兒。教以用世則。遂君超然思。鴻冥詎可弋。八月秋風高。歸心忽相逼。君情入人深。攬袂意無極。開門湖上山。閒詠歸飛翼。較此馬頭塵。孰失孰爲得。行行送韓康。悠悠念陳實。

古留村

天都山下古留村。風氣溫溫古道存。上世衣冠聞父老。百年井臼在柴門。秋藤蓋瓦東柯谷。春酒蒸顏上若樽。自署草堂懷祖德。幾看修竹長雲孫。

寄嘉客

湖日蒼蒼烟水深。有人抱膝白雲岑。枕中自祕江山史。天外嘗懸縞紵心。柳色漢南驚撚指。梅花薊北動

高吟塵居每憶孫登嘯。鸞鳳栖遲何處林。

力臣以文孝先生傳見示

門外清江萬里通。舟車日日問張融。載觀文孝先生傳。饒有柴桑處士風。汗血自稱名父子。棣華頻見出羣雄。塵容側望烟波遠。皇頡書藏十畝宮。

答天臺

逸情雲上興風疎。肯與鷓鴣共卜居。紅燭春深文琰句。白門秋遠子雲廬。馬蹄可學懷蒙叟。牛角長吟挂漢書。莫寫梅花將換酒。且來聽雪夜窗虛。

慈仁松下書許竹隱册子

殘雪招提路。高居許子將。飽看山萬里。寬用法三章。才士兼能吏。佳兒及老狂。微聽松謾謾。塵慮已消亡。

二哀詩

陳處士祚明字胤倩仁和人

處士負奇氣。有懷固山澤。蔚然霞表姿。偶留塵世跡。讀書識大義。慷慨奪前席。當其落筆時。萬夫應辟易。京華齊魯間。矻矻歲月擲。終宵愛焚膏。心精耗鉛尺。敏若夙構成。嚴不事刻畫。宛轉諧泳游。鏗鏘著典策。家門陳仲弓。經綸謝安石。雖離三雅杯。落落東山屐。折閱任錢刀。友朋注胸膈。五斗方卓然。眼光四隅射。歸馬復操觚。擁襍益綜覈。方卜金石齡。遽意龍蛇厄。君年三十時。鬚髯強半白。道力弛耑疑。羣芬糜中液。

不朽惟文章。名山重寶惜。哀哉斯人亡。薄海同悲嘖。交君既廿載。情話方疇昔。荒荒酬對閒。瞬息幽明隔。丹旆出春明。骨肉容懜瘠。二月春已深。雪花亂行陌。魂氣無不之。珍重慎歸宅。

施司城端教字匪莪泗州人

處士淚未乾。司城悲復切。胡爲一月中。傷心事重閱。枯楊病鴟歎。大壑層冰結。一老素交人。頓與友聲絕。君誠藝苑豪。有美生人傑。風流盛代宗。英華百氏攝。著書旣等身。雅論傾前轍。悠悠事塵勞。高韻如不屑。恢恢典墳文。矯矯顏柳訣。藏中最精醇。出手尤超軼。大齒割奇巒。閉戶走往謁。共嗜集詩佳。天然泯縫綴。簿書雖鞅掌。賓戲靡閒輟。探幽出瑯嬛。敦古溯皇頡。多能鄭廣文。薄宦陶靖節。俸錢豈足供。樽酒亦恒設。歲荒田不售。道遠書難挈。訂我並方舟。歸途好商決。分手才三辰。頓聞君永別。佳兒皆早世。病妻徒摧裂。衾樵茫無資。益見居官潔。半百潞河程。翳翳日霏雪。足跛艱跬步。悵望深哽咽。舉世感儀型。斯人去纔緹。蕭條泗濱水。暗與迴腸折。

暮春有感

麥飯郊原雨後天。鼎湖春去自年年。誰從巖瀨悲朱鳥。卻道雲安有杜鵑。老柏空懸雙岫月。垂楊不散六陵烟。歸舟猶守清河閘。頭白傷心一愴然。

垂楊

垂楊憔悴不勝秋。日日西風溝水頭。下馬離人無意緒。碧紗窗外聽箜篌。

送亢立菴

話別都門又幾年。君才益劬我頽然。五湖烟月清商部。三晉風流白馬篇。烽火隔江傳羽檄。家山入夢憶蘭楊。相逢忽漫驪歌發。珍重歸期早著鞭。

與鄰僧超上人

焚香掃地事從容。有暇還看雪後松。我老不貪長夜睡。隔隣嘗聽五更鐘。

送王木公之東海兼寄友筠伯仲

我家勞勞亭。嘗感別離苦。君往二勞山。關河尙鼙鼓。宇宙多勞人。草草成今古。驅車五月中。歇馬郵亭樹。齊魯盛賢豪。握手中懷吐。注酒白玉觚。題詩和梁甫。碧海掣鯨魚。蜃氣幻樓櫓。我家夢筆才。兄弟皆繡虎。風流薄陳隋。高義傾鄠杜。肝腸千里合。烟雲恣酣取。知君志山林。雅不慕圭組。好將山下泉。去作方州雨。

答鹿牀

天上秋雲薄似羅。山中靜日好婆娑。畏途恒避桓司馬。學圃還師郭橐駝。笑我老難焚筆硯。喜君今亦到巖阿。懸知夙契烟霞外。闕畧多年意靡佗。

送姜二學在還吳門兼寄周子佩子潔李膚公

秋色澹崢泓。離人意騷屑。一雁雲中過。江風遠明滅。翩翩姜仲子。臨江解輕紼。孤忠大賢後。趨庭見餘烈。迢迢江海心。奕奕蘭茝結。殷殷書篋閒。金石聲不絕。連娟追伯氏。二難並人傑。允哉名父子。擘臠汗成血。

君來常毒暑。君去乘寥泬。憶我伏枕時。對君若冰雪。山翠溼不飛。離花明可擷。感君道誼真。頓忘樽酒設。我懷二周子。塵遠氣清激。又念江陰君。訟過意惓惓。百端集茫茫。何能便判決。

鹿牀貽詩詢及先塋感答

先驪塋在高驪山。自宋兩淮經制使公諱景葬其地。墓前有紀家菴。有祀田。香火六百餘年不絕。

忽爲人盜葬。搆訟至臬司。賴句容林令持平斷歸云。

鹿牀時修邑乘。

汴宋松楸六百年。四山迴合響飛泉。豐碑誰曳埋深壑。著姓安能改祭田。詩禮控頤莊叟笑。風霜判事魯恭傳。蚩蚩父老存遺直。更賴先生筆似椽。

賣墨不果感賦

願棄險糜三百挺。購將茅屋十餘閒。自慚懶僻思逃世。不避巢由學買山。詎意俗塵多反復。豈能老骨就安閒。破書數卷荒唐甚。空羨深林鳥倦還。

仙裳索詩贈碧水上人

禪藻山中有勝流。碧雲合在竹西頭。書來江夏無他語。只要題詩寄惠休。

階六歸自隴西晤于廣陵作此誌喜

盤盤隴山道。歷歷山上榆。側身望崆峒。中情鬱不舒。憶昔分手日。冰霜載嚴途。嶺雲被臯樹。極目迴烟墟。

惠風被荒塞。甘雨溉荆茶。大車何啻啍。萬里聲教趨。兵戈忽中阻。雁斷天一隅。茫茫烽火外。安敢問苑枯。昨聞左元放。云見君前驅。百口盡無恙。馳過梁宋都。計當三春日。應得抵井閭。聞此良足慰。何意接蘭裾。宿昔傲氣類。秉禮說詩書。每感生死別。事後恒晏如。自是得天厚。非關懷智珠。相看邗水白。相悅涼風疏。情以老彌健。容因戰勝腴。嘉卉蔭前庭。香醪醞中廚。疇昔道義歡。歲月深相於。爲樂日方長。莫使流光徂。

中秋夜宋射陵見過

蓬蒿蕭條轍少過。清言今得引懸河。閉門愛種蕪菁菜。入市徒聞暇豫歌。共歎家園鴻水遠。更憐婚嫁白頭多。卜居有地堪招隱。老我空山對碧蘿。

訪獨任和尚于石頭菴中途阻雨悵然寄懷

石橋流水寺門烟。春雨連山叫杜鵑。惠遠道人蓮社酒。寂音尊者石門禪。名山佳會難常得。古德行踪自宛然。底事知君能獨任。綠天深處一燈傳。

予與孟起弟同出晉賢之後南北雖分氣誼不隔丁巳權關江上予從真州相訪出詩稿屬訂走筆紀事并質毅亭姪

先代臨湘侯。晉賢名第一。繁衍千餘年。人才盛無匹。文安亢北宗。簪組耀華邳。茂績勒王家。孝友藹中室。職方今代英。隸萼富才術。兩河及吳楚。樹立甚鴻霽。簡命駐江干。國計軫胸臆。簫鼓大江開。烟波萬舸集。才高智不羣。遠矣懷明德。我祖發南支。汴宋大勛集。英蕩節江淮。辭官樂衡泌。隱處良常閒。藏名事稼穡。

逮予十八傳。椒聊徧難詰。一村三萬指。風氣敦樸質。曾有五等封。睿帝酬宣力。年來歌式微。落落幾縫掖。我亦屬諸孫。垂老百情窒。豈惟愧家聲。人閒覲視息。君依日月光。我抱幽憂疾。君職大方輿。我偃半圭篲。君諾魚水歡。我作枯魚泣。出處介雲泥。才詣判閭混。惟君念同根。墳簾叶膠漆。八月暑氣消。秋雨疏還密。佳詩出相訂。山川在尺幅。風雅世豎弧。黃初與大曆。更看石麒麟。手揮雲五色。

贈李明慈

夙負烟霞志。長年道院居。斗壇秋月淨。丹鼎夜窗虛。濟物存真氣。藏山有異書。莫言耽寂寞。門巷過高車。

雨雪書懷

號風響四檐。孤燈耿深夜。淙淙雨雪交。魂夢嗒焉咤。行情不相識。苦樂誰復借。鴻濛逢雲將。攜手觀元化。安得草草屋。數閒傍林渚。老梅粲前庭。修竹蔭後圃。置此易朽軀。消磨卽次旅。藜羹大布衣。幽潛失寒暑。日對忘機人。歌呼相我汝。不探虎穴腥。何必狙公芋。老矣志不遂。塵囂當古處。

埋憂何地好。惟有攝山岑。渺渺衣帶水。一葦快登臨。山僧虛石塔。高士彈素琴。泉飛古松顛。鐘落寒磳深。自然聞見黜。亦使鬚眉森。隔江聊悵望。恍忽迦陵音。

塵壤何茫茫。突梯與滑稽。君子抱志節。齋居筮逢睽。操弧不可張。折牙守稗穉。長瘖友子光。省煩學尸黎。蘭茝秀虛谷。魚鳥樂迴溪。徜徉庶所愜。物論誰能齊。

上巳日王牧之過齋中出禊帖暨仇十洲桃源圖同觀因題二絕

十年飄泊不須言。垂老江頭且閉門。卻憶舟中臨定武。甲寅三月過楊村。
陶公作記感羸秦。畫手仇生藝入神。卻念嘉隆全盛日。何須圖畫捕魚人。

雨後書感

時戊午
三月

老夫生平無一快。賴此書卷相周旋。故書雖敝舊諳習。縹緗毀爛文字全。小齋偃仄僅容膝。度以高閣方安然。心與天遊四體適。亦知補屋蘿當牽。城南瓴甌新出窰。鱗次翼集長河邊。晴光滿檐日卓午。呼童急買傾囊錢。偷安一夕緣促迫。亦非傲幸思貪天。豈期夜來風雨暴。欲起不得難安眠。蕭然四壁燈火暗。披衣坐歎中懷煎。吁嗟乎。我生百無一日開口笑。庶幾尙友惟草編。屋漏霑溼欲搬曬。可奈澍雨空連綿。昔聞少陵重茅被風卷。兒童當前爲盜欺。衰年又聞柴桑焚斗室。夏日長餒冬無氈。我將此書倚爲命。何異二老屋與田。古人遭逢盡如此。我獨何人思比肩。

憶金陵舊遊

廖公沈醉李公醒。末俗人倫尙典型。忽漫談禪驚四座。陶潛僧紹總忘形。
廖傳生李何事兩先生

雨花臺畔草芊緜。深樹濃陰叫杜鵑。西鶴老人破窗叟。一春幾徧酒家眠。
廖先生汪天涯

千門萬戶日彤彤。鑾籞高陳暴上春。記我往觀年十二。衰衣珠襖羨真龍。
庚申六月觀大內曬變駕

溪花溪鳥蘸溪波。古渡無橋艇子過。日暮街西望街北。佳人何處碧雲多。

石礪梅花一綫天。舒王故蹟草堂傳。同人策蹇搜遺碣。仍買寒英駐菊田。
湖上楊花暖撲欄。碧流長日映檀欒。三山門下多車馬。曾有羊曇哭謝安。
予嘗哭子魏文公於此

千尺長千宰堵波。年年浴佛瓣香過。夜闌忽現光明藏。億萬蓮花擁佛陀。

王褒徐樂每同龕。與俗難諧七不堪。經義幾篇酒一斗。蕭蕭風雪竹居菴。
菴爲百梯天巖兩公讀書處

大國南康內則貞。多年恩澤老松檉。子孫世世持高節。公主墳前事耦耕。
胡星卿昆仲爲南康大長公主後

靈谷初參浪杖人。千花塔下廓無塵。馴獅伏虎稱高座。慶誨親承四十春。

洞庭烟水葛仙翁。邢顧從游琢句工。二老儵然乘化去。沙田獨累彥先窮。
謂震父孟貞與治

江北移家想舊游。荒城獨立立芰荷。秋不殊風景人羣異。前代風流夢石頭。

茅慎言暑中過訪

三句不出口如鉗。君到空齋話不厭。纔及老莊忘楚越。忽聞世事奮髭髯。歡來豈曰非朋友。貧也無須諱。

米鹽赤腳層冰何處所。白雲恒岳在荒檐。
予齋頭有石題曰恒岳白雲慎言劇賞之

贈陳畫初

江上秋高彭澤樽。霜華老屋白雲根。杜陵留客常粗糲。孟氏養親惟小園。蝨食仙書開月戶。龍翻墨雨跳天門。羨君年力眞清健。萬事無如學易尊。

訪蕭靈曦

眞江□思鳥喈喈。秋水蕪城風日佳。背郭徑題爲陋巷。藏書應署此蕭齋。虎頭自寫三毫頰。龍臥高懸五岳鞵。旋羨茗柯留客坐。霜葩新長上幽階。

贈訥菴

盛子閉門惟著書。蕭然陋巷隘軒車。老梅修竹同昏旦。芳草閒階不剪除。好古有心窮典策。憂時無語戒衣枷。月明三五從杯酌。陶令監輿款敝廬。

吳山大師講易廣陵承惠古體奉答廿四韻

宇宙重完人。先生應運生。文爲載道器。負擔萬里行。恐遂絕元氣。致使吾道傾。川巖老俠骨。樽俎藏奇兵。退隱三十年。忍詢還無名。吳山蠱兩尖。視之若掌平。於菟守戶牖。吹萬響竽笙。險阻百端嘗。至靜神不撓。體體三尺鬚。映彼玉貌貞。夙具忠孝性。安能忘宗祊。歸來愜衆願。爭覩人精英。不受釋梵供。愛煮折腳鐺。講易變元化。振藻卑兩京。細窮秋毫末。壯掣滄海鯨。抹盡舉世禪。亦不棄巾瓶。甚厭文俗士。嗜才雙眼明。先生誠大儒。肯與高僧鳴。邗水春尙寒。早梅綻猩猩。伊蒲集多士。廣坐霏珠璣。今年七十五。任重力尤勗。直養得剛大。固知磨不磷。我從眞江來。東望景雲顙。詢然聞道要。故作硜硜聲。

齋晚

茅齋祇自容。雨過水溶溶。樹杪見新月。溪邊聞晚鐘。饑年傷道路。破衲伴龍鍾。聽說桃花好。無心問短筇。

風夜

號風夜夜作雷聲。病骨支離夢不成。寒鳥不知更漏永。悞將殘月當天明。

閉關

茅亭結在野溪灣。有竹無花亦解顏。地可曲肱難起舞。客惟抱膝當看山。蒙莊腐史常爲友。石丈桐孫與閉關。傲骨塵容元不稱。天教賜予老來閒。

春興

隨意去來雙燕子。任風開闔小柴門。梅花一樹迎朝日。好曬儂家犢鼻褌。

過燕磯未登弘濟寺憶睿生兄弟

策杖常遊處。今來望翠微。誰知汝兄弟。春晚閉柴扉。陰磴鳥聲滑。膏原麥穗肥。倚舷觀逝者。不覺久忘機。

江亭再集同玉式豹人學在次豹人韻

同心良友一弓遙。貰酒何妨再過橋。遂見海鷗親丈席。不須松石問山椒。高歌有意遲明月。柔櫓無聲渡晚潮。幽興總輸吳苑客。秦娥清夢未寥寥。

閏八月十四日殿臣招集西美園同漢西春霖衛公半巽諸子

水國芙蓉發。同人載酒遊。感懷前閏月。崇禎甲戌閏八月。流寇大肆屠戮。朝廷旰食。搔首再中秋。老桂餘香隱。疏桐碧露幽。清光猶

未滿獨夜照扁舟。

李劬菴舟枉江干示以敦好堂集便欲放舟鄂渚詩以送之兼寄子園方伯

澤國憐孤陋。翩然到李侯。停舟文相浦。欲問鹿門秋。淪落敦吾好。衝廬紀勝游。傷心災祲日。清淚滿江頭。

贈汪子真

秋水相連屋似船。愛君禿筆點雲烟。開門有客攜琴至。旋掃花閒綠雪甄。家藏摩詰老松厓。壁有尙書折股斂。除卻研山和茗碗。更無長物慫高齋。

庚申九日書懷

半閒茅舍息塵勞。禪喜非因有託逃。風景不殊惟閉戶。交游已謝倦登高。窗能生白無須鑿。釜尙餘羹自可輟。一老瓦盆三四菊。棲遲何處不東臯。

寄趙客菴兼懷吉水樵月如玉并弔炯伯楊子

客菴先生尙奇古。讀書萬卷思何苦。世雖不用道則尊。許身稷契甯無補。著述稱曰大問堂。我曾見之嚮書坊。倚戶展誦不知倦。起看落日天蒼蒼。昔與先生共柔翰。自移江北音書斷。先生閉戶名益高。每一聞之輒三歎。先生有壻非凡才。秋高訪我江上齋。舉杯卻話二三老。風流氣誼何恢台。關西之子已不作。首陽薇蕨生人哀。側身醉眼視天地。隔江山色何崔嵬。嗚呼吾徒賴有數子者。我將一笑歸去來。

春分前一日同會公蔚生若思亮工清生集蕭孚五園居

地鄰鹿苑似山村。客至方教啓幕門。蕭子雲家無俗軌。何平叔座總清言。日長盡閱前賢蹟。夜久仍開下若樽。九十春光今已半。梅花纔放小庭軒。

讀劉文成公集

帝命真人迅掃除。先生事業起耕漁。偶然恣筆天倪出。堪作千秋諷誡書。伯益功成圖物怪。姬公治定譜蟲魚。要知澹泊封留意。不是衰年禮遇疏。

聞河決

聞道黃河決。前工問逝川。泥沙黔首血。滕錡水衡錢。浩渺難刊木。啼呼欲動天。十年居澤國。未穩北窗眠。

原跋

翫叟爲詩。盡斲輪之技者也。悲忤歌樂動於中。甘苦疾徐應乎外。心與境相會。而詩出焉。非近今名家。拈一題限一韻。比擬刻畫爲生活者。故有清切似錢劉。高華似王孟。沈鍊雄渾似高岑李杜。而實無一字似錢劉王孟高岑李杜者。此真翫叟之詩。翫叟不自知也。昔有學文於熊南沙。南沙教以讀水滸傳。有學詩於李空同。空同教以唱瑣南枝。二公之言。真足以教誨一切。翫叟之獨得三昧。亦復如是。予旣得顧黃州之後。寥寥無人。今讀是詩。又不覺爲牀下之拜矣。辛丑立冬日。小弟陶澂客三山僭評。

翫叟如幽燕老將。登壇數十年矣。往讀其詩。至不能釋手。今讀辛丑詩。皆東坡海外文字。與少陵夔門以後諸作。有千百長蛇猛獸。出沒變幻。不可搏制者也。三日不見叔度。令人鄙吝之心復萌。吾于翫叟亦然。澂載評。

伯紫詩。向苦才多。琳琅萬寶。交錯筆端。允矣。才人之詩矣。別四年。格益老。氣益絜。質益堅。法益密。理益正。非不華。華根於骨。非不奇。奇準於則。是謂詩人之詩。不第才人之詩矣。此中消息。伯紫自知之。烏庸老人贊一詞耳。甦老人拱乾壬寅秋。荷陰識。

跋

乾隆丁未。容于東軒禮堂。孫子購得紀子懋叟遺草。出以見示。兩齒無聊。爲之卒讀。其間有殘缺漫漶不完者。有重沓塗乙者。有不以集名者。有以集名而又複出互異者。蓋均非定本也。紀子生於前明萬曆間。而詩之編年。則起自本朝順治己丑。迄于康熙辛酉。據今所見。要非全豹。夫紀子馳聲薄海內外數十年間。其詩之膾炙人口者。爲何如。及其沒也。百有餘歲。何竟無一人過而問之者。慮良可悲已。此稿雖殘缺漫漶重沓如此。而紀子之精神命脈。光怪陸離。時時流露于楮墨之外。誠有不可磨滅者矣。偶爲拈出一二。以爲欣賞之助。非敢意存去取也。得詩如干。釐爲四卷。鈔成因綴數語于末。真州石椿謹識。

贅叟詩鈔補遺目錄據感舊集補入原有者不錄

別家

望中冷第一泉歌

悲歌行

真姑漁父歌

書馬行

觀白石翁三丈畫卷歌

七月六日方爾止齋山草堂對酒歌

雙劍爲張幼景作

秦淮夏日詞

游下邳弔留侯

寄紫淀翁

觀普門采香草作

遠林黃自至

悲吟

學圃歌

詩微有贈
孝感四字

答元白惠兔腊

寄匡山道者

慧叟詩鈔補遺 據感舊集補入原有者不錄

別家

離騷手把付東海。春雨篷窗過石頭。豈有英雄懷爵祿。若爲仙佛自風流。花開京口閒如夢。淚灑文山總不收。底事天涯頭易白。楊花空滿閱江樓。

望中冷第一泉歌

百泉盡生巖石裏。獨有中冷出江底。洪波鞦韆浩無涯。中露一泓清泚泚。世人棹舟尋不得。郭璞之墓微可識。嚴冬霜落金山高。玉柱千尋透江直。我從江岸望江心。美人不見江流深。停雲悽悽日杲杲。嶺猿助我生悲吟。歸飲輓轡山上水。更聽松風滌雙耳。首陽長往汨羅沈。天寒月落人誰是。

悲歌行

鸞鳩罔知南有鵬。竈竈素昧北海若。天生形氣各自域。大小豈得相凌拓。丈夫有目營四海。丈夫有胸出寥廓。千金弩折豈傍人。百尺樓頭看山酌。何來焦僂三尺強。妄窺琮璧梯宮牆。函牛之鼎宗廟重。擲以腐鼠人神傷。吁嗟小兒強解事。不如守拙餐糠糲。風塵茫茫道途遠。子去西陀我東阪。君不見重耳困時過五鹿。野人盛土餽之意亦足。

眞州漁父歌

眞州漁父艇十尺。日日維舟汀草碧。看盡江南一片山。往來只在菰蘆閒。短布爲衾甕作枕。臥對桃花萬
株錦。笙歌響靜羅綺閒。明月當頭舉杯飲。漁父十年江上漁。江上漁人識面疎。有時得魚還自放。心同流
水歸空虛。

畫馬行

君不見夏獻馬長丈一。首高九尺足亦七。項肉隱起五寸急。貫膺抵腹不受羈。緹輒人立。聖人撰策祀
馬祖。馴之夕月清涼山。儼若天帝臨人間。賜名飛越峯圖形。問寺中凡馬見之。悲鳴蹴踏無所容。又不見
漢皇歌。太乙祝。唐宗乘六馬。乾坤再開創。畫手只數曹將軍。經營慘澹難名狀。此絹何人作二馬。嘶風齧
草昂昂者。放浪雖乘陂澤遊。骨骼翹雄氣瀟灑。趙光輔。王士元。後來更有宋王孫。未識此馬誰氏筆。縑素
脫落形神存。若使當御英雄人。雷轟電駁奔天門。卽今壁上觀。魁然勢欲動。請君早起拂塵埃。恐有汗流
夜漬黃金鞵。

觀白石翁三丈畫卷歌

石田畫卷長三丈。邱壑幽深氣塊莽。大山未斷小山出。大溪溇泓小溪急。山迎溪互密濛濛。大松小松查
枒橫側交其中。看過丈餘始曠朗。孤亭似有人來往。從此山川又奇奧。渾雄一變成蒼峭。千流萬壑排空
來。龍湫鳥道逼天開。流觀兩目不暇瞬。當年落筆何奇哉。人觀此翁畫手妙在疾。不知翁也未畫凝思坐

一室忽然盤礴神明開。天地低昂萬形失。吁嗟乎。未登太華東南峯。未攬河海陟登封。畫山卽山水卽水。何時更得開心胸。石田翁。落筆茫茫人不測。不知翁也何所得。畫成水石不異人。卻教舉世無人識。

七月六日方爾止齋山草堂對酒歌

天上雙星未渡河。秦淮流水秋生波。齋山草堂最疎豁。短牆風到吹烟蘿。我從江南徙江北。相思不見中情多。今來喜得話疇昔。比隣客亦聞相過。謂鄭梅龍竹聲琅琅響寒玉。雲陰漠漠垂庭柯。六街禱雨禁屠割。君家生菜盈坡陀。小烹佐酒雜乾腊。懷抱傾吐捐沈疴。人生動卽千里隔。江山況復連兵戈。相逢縱飲意良足。清涼不異棲巖阿。牀頭鷓鴣夷已交臥。睥睨顏色何人醜。芙蓉花開塘水淺。醉來起舞同高歌。城頭飛雨時一至。安得大地呼滂沱。

雙劍爲張幼量作

寶劍太陰精。神淵百淬成。萬年宅后土。雙氣薄機槍。自得真人佩。能令大塊平。摩挲劇處女。目攝走荆卿。

秦淮夏日詞

六月秦淮氣自涼。八窗敞受午風長。楸枰晝靜無人語。堂背罨罍綠樹光。剩水殘山樂事多。少年能唱後庭歌。搗箏撥阮嘈嘈起。月落城烏奈樂何。片雨過城細草薰。江山如畫鳥空聞。誰家樓上穿鍼坐。一片秋雲似舞裙。

游下邳弔留侯

汧渭房精氣已闌。真人年少出薜蘿。橋邊僂僂英風動。天下安危局外觀。龍種寸絲懸雉旆。狼秦百二藉猴冠。封留辟穀尋常過。只了胸中五世韓。

寄紫淀翁

岸草濛濛碧。客心愁未終。春歸荒牖水。麥秀打船風。野廟悲無主。人烟日不同。故園櫻筍節。知子念飄蓬。

觀音門采香草作

石頭形勢重南都。金粉樓臺列畫圖。古柏六朝神雨度。夕陽三月女簫孤。貴妃學士開鈴幕。天子詩人壓顧廚。絕代風流飄落盡。暗香行殿冷藤蘿。

遠林董自至

修竹籬邊到兩髯。無錢買醉且茶酣。卻思六七年前事。玉版曾同祖老參。

悲吟

賣畚雒陽市。不逢嵩山客。蒼蒼山下雲。日暮松楸碧。我憐王景畧。甘爲苻堅畫。英雄悲不遇。既遇良可惜。

學圃歌

我爲東湖樵。子學南山圃。相逢大道傍。雪涕問勞苦。我逢冬青樹。再拜不敢斧。子有東陵瓜。屢潰深秋雨。生事尙飢寒。吟詩坐蒿堵。

答元白惠兔腊

梅花如雪下荒廡。賀監高懷念老夫。何日短衣隨李廣。空山一矢斃於菟。
寄匡山道者

自占東南第一峯。秋燈隔水白雲封。謝公心雜陶公醉。瀑布聲邊臥次宗。

蠶叟詩鈔補遺目錄

據金陵詩徵補入原有者不錄

望東澨山

月花渡東溷

寓三山雨中述懷四首

孔林

報恩寺修塔紀異

東花園看花歌

將相談兵歌題蔡懷真畫冊

報國寺雙松歌

荒村早行

送鍾子黃歸鹿宕

冬日將往淳湖夜宿徐卿汐閣次壁閒韻

贈鄧孝威

廣陵夏夜同與治半千蒼路訪楚吟城北村舍次與治韻

稼公寓齋小集綺季攜被宿陳其年吳子班繼至

張幼仁園居

十一月朔移寓聖秋過存

觀重勒瘞鶴銘

三山秋興次李空同河上韻

送吳長文出塞

從軍行

送陳天聞還三山

慈仁寺訪彥遠用前韻

補山堂歌爲芴菴老人作

和魏貞菴相國張村泛舟卽事

春雨草堂歌

十五六行贈玉式

老松化石歌

驚叟詩鈔補遺 據金陵詩徵補入原有者不錄

望東澗山

海澗有澤民。蛤牆茨作屋。斥鹵汲爲泉。飯螭不待熟。張網向潮頭。日夕水中宿。蟹蚌如泥沙。齏醢實巨斛。濃剝無停時。棄甲量以谷。腥風被廣野。炎氣殺草木。此獨非羣生。不爲昊天鞠。峯頂真人居。含慈萬靈育。嘉卉攝諸山。甘乳流四麓。坐臥雲霞中。屏絕風塵燭。咫尺天人殊。龍蛇劇走陸。

月夜渡東溟

微風生南垓。榜人擊楫呼。起看天海淨。夜氣縱橫舒。魚龍寂無聲。明月炳中樞。混茫太古接。蕩滌鬚眉俱。羣山勢奔湊。巨星脩有無。大哉天地力。送我塵梗軀。

寓三山雨中述懷四首

八日至春分。日日雨不止。朝曦澹林端。陰雲已凝埃。初猶灑窗微。漸作翻渠駛。宿莽未萎黃。新草怒生肥。北窗暗如漆。餓鳥下啄紙。羣兒樂未央。志士悲年齒。雨中百端集。繞廊忽行吟。自我當尋來。居諸春已深。桃花與林綺。叢桂日抽簪。遙想幽人閒。花下鳴素琴。貽我一端綺。與我鷄斷金。泥塗白日阻。空睇南山岑。

谷鳥鳴啾啾。好山弄眉嫵。流雲靜不飛。懷人在東武。誰將嶺頭梅。寄過蕭湘浦。落日照蒼梧。春風徧蘅杜。佳人渺難期。愁多不堪數。

烈士貴有身。聖人亦無位。冥鴻既高飛。衰鳳猶一至。畦畦千仞姿。卑棲狎狂鷲。已知不可爲。大義終難避。慨然成春秋。不易匹夫志。後世隆中人。出師得其意。

孔林

輦道何紆長。松檜接城陌。清飈蕩行塵。隱見金碧額。萬木鬱晴空。卉草含香澤。瑰異強難名。芝菌秀可摘。云自四方至。吳楚借形脈。秋聲起林端。戛擊錯金石。恍如絃誦聲。中夜姿紉繹。尼山當戶牖。泗水環潮汐。何年造物根。毓此后土宅。保合無位人。永作生民辟。至人惡久生。麟傷鳳斂翮。勞勞七十年。狼藉輪蹄跡。庶幾一抔土。溫我不爇席。

報恩寺修塔紀異

古塔摩蒼穹。日月生戶牖。熒熒珠碧輝。萬里接靈鷲。涌地出罡風。自天降神鏤。舍利函中央。光明夜如晝。誰遣豐隆來。突破陰陽轂。火輪輾地飛。巨礮瞰中窰。或疑泰山頽。或疑穀洛鬪。或疑銅馬馳。蹴蹋昆陽獸。侵晨看九層。直下穿一竇。金甌頓已虧。趙壁猝難救。遐哉五君子。翩翩舉雙袖。連彼郢人斤。復此鼻端齧。妙手補天如。捷足緣厓狹。石恪畫維摩。麻鞋露兩肘。之子敝衣冠。神清骨堅瘦。觀者空城闔。汗流列禦寇。
按宣城施愚山雜著云。江寧報恩寺。順治戊戌。爲雷壞一角。有田氏兄弟。陡登最上層。繫橫木於塔門。豎梯於木端。緣之而上。若孫升焉。其徒執役。魚貫運材。因勢撥葺。如燕雀營巢。移其木以次及下。三月迄工。田氏解衣跣足。持長帶。驅塔嶺。磅礴掃除。謂之洗塔。復仰天坦。

臥雲日激胸。安如平地。駢集來觀者。千萬人。皆震撼洶湧。田氏循簾斗折。冉冉而下。人皆疑爲神仙焉。伯紫所詠。即此事。

東花園看花歌

東風未踏東園路。東園春色來無數。問爾岸草何時生。出門綠遍前溪渡。欲晴不晴飛雨絲。欲鳴不鳴幽鳥疑。遙看一片火齊樹。宕漾千頃琅玕陂。白雲不動花灼灼。晚烟勃起態綽約。花邊高閣寂無聲。碧偃疎窗藏並萼。翫叟龍鍾偶過橋。買醉無錢行帶索。安得一龕倚花住。朝見花喧暮花霧。金尊明月莫教閒。玉女驕驄屢回顧。燭龍銜燭無停時。誰把黃金顏色鑄。噫嘻杜老難逢斛律斯。東坡不見林家嫗。歸路沿城白日暮。枕上遙遙憶孤樹。

將相談兵歌題蔡懷真畫冊

相公面白美須眉。將軍銳頭虎豹姿。繩牀對坐不聞語。意態環屬無支離。相公者誰吳橋公。將軍姓名曰蔡忠。相公昔爲帝藩翰。豫州建節羅英雄。將軍幕下稱乳水。受命勤王事可紀。鐵騎長安匝數圍。織羽無聲神鬼死。將軍改裝爲乞兒。蕭蕭械械穿營壘。飛表縋城達九重。外內情徹方從容。往來報命十餘日。相公喜色開眉峯。睢陽自重南霽雲。淮陰再拜廣武君。蔡忠有功在社稷。黃金茅土何足云。一忤權貴龍在野。再遭國難難爲羣。年過五十猛氣在。王翦旣老稱冠軍。我訪將軍齊化門。將軍留我啓壺樽。蟹羹魚炙行日夕。高談話昔情逾敦。古來將相如風雨。當時則聞過則已。崇禎天子十七年。揆席頻翻如易屣。吳橋

清節百世師。將軍未見三遺矢。且加餐飯我作歌。將相談兵非故紙。

報國寺雙松歌

落落何朝十二松。兩松怪誕難爲容。求之骨貌意已失。尙想天外超。忽雙雲峯。白日當空集風雨。紫氣盤蓋藏芙蓉。一日一看一奇特。百步之外尤荒惑。或言此松似石鼓。冰苔蝕籀缺斂股。或言此松類神駿。蘭筋決滅秋霄迅。或言此松其太白無懷之民。邊幅裂盡存吾真。偃僂錯愕任笑噴。不知巖巖與朝市。頽然放足三千春。

荒村早行

村村趁集人。曉行。曉日自照繁霜明。石橋壓水水不動。秋蟲棲草啾啾鳴。誰家麝食不早起。瓦瓶汲井聲齒齒。宿火光猶亂草檐。前山日已半峯紫。寒風射眸如細霰。北行竟日背日面。卻憶南村就曝時。迴首疎雲送孤雁。

送鍾子黃歸鹿宕

送君歸鹿宕。山色正蕭蕭。雨氣江湖白。秋聲日夜驕。殘書披礪戶。幽鳥待松寮。他夕天門月。鍾期信可招。

冬日將往淳湖夜宿徐卿汐閣次壁閒韻

荒磯背郭靜。日暖臥沙鷗。水落增高岸。烟微沒去舟。早梅偏近寺。冬柳尙遮樓。一榻消長夜。鄰鐘幾度秋。

贈鄧孝威

荒塗渺渺友聲求。文學曾知有豫州。屠狗可憐長結客。爛羊終日聽封侯。如銜石闕誰爲語。屢卸金貂不破愁。六代風流誰可續。好吹鐵笛到江頭。

廣陵夏夜同與治半千蒼略訪楚吟城北村舍次與治韻

願子乘舟江霧昏。杜龔促膝坐前村。白雲滿地鄰僧磬。黃葉封溪處士門。傍舍只須山一片。閉關常得酒盈樽。最憐合併如斯少。夜半傾泉煮北源。

稼公寓齋小集綺季攜被宿陳其年吳子班繼至

日。日。秋。陰。雨。細。飛。夕。葵。開。落。傍。柴。扉。幽。人。襆。被。移。書。榻。古。寺。鐘。魚。度。翠。微。飄。泊。酒。杯。逢。李。雙。疎。狂。詩。句。見。元。暉。板。橋。新。水。添。三。尺。衰。柳。依。依。送。客。歸。

張幼仁園居

結構幽居似輞川。鷺峯鹿苑一溪連。天涯白首歸張翰。海內丹山老鄭虔。高閣三層懸暮雪。荒畦十畝刈寒烟。城陰宅近堪來往。古路鐘聲不計年。

十一月朔移寓聖秋過存

高眠安旅食。掃地卽移居。秋草一牆隔。殘霜數卷書。客心砧杵後。生事研田餘。寂莫逢君至。風塵客掩廬。觀重勒瘞鶴銘。

焦山直下千尺餘。波濤蝕嚼神仙書。霜枯水落路幽阻。碑版隱見驚樵漁。華陽真逸何代客。或疑逋翁或

貞白鴻舉龍矯勢。翮翮劫灰未爛江心石。自經摧剝無全碗。善本難求重金雍。釵股長沈巨浸中。雲霞韻出風塵外。愛此昔有歐陽公。重勒何人嗜古同。雙鉤細摹宋本榻。元珉巧鑿留山中。生面重開字完好。一戈一搯工探討。刻畫難追造化功。家藏擬作人間寶。吁嗟乎我來焦山酷暑時。斯時水淺捫殘碑。再看堂上新題碣。何人更問水底斷。缺零落之蛟螭。

三山秋興次李空同河上韻

閩中作

客居嘗簡出策杖亦閒行。月暗烏龍浦。湖迴白馬城。寸心諸感集。中夜一蛩鳴。不寐瞻河漢。迢迢萬里情。送吳長文出塞

憶昔相逢護澤頭。太行東阻白雲秋。孤城上黨砧初動。奇士南皮轍尙留。廿載再看顏色好。餘生強半別離愁。輸君結束情偏健。又著黃衫跨紫驄。

從軍行

十六出榆關。五十猶荷戈。行臨李廣祠。揮淚長悲歌。驚沙白日昏。秋雲壓城堡。飛犬逐黃羊。血灑荒原草。羌管畫淒淒。牙旗風獵獵。醉枕芙蓉刀。懶擁桃花頰。九射俱穿鵠。再發射雙鶴。策馬傍無人。獨向沙場笑。

送陳天聞還三山

閩山多雨熟梅天。分手洪塘意黯然。今日秋風燕市別。追思已是十年前。

慈仁寺訪彥遠用前韻

二月風氣佳。出門帶新柳。騎馬慈仁寺。松光迎馬首。傍松入高門。披帷見我友。寒退土燧閒。日色在低牖。主人半病眠。應酬費心手。捉筆方攢眉。見我開笑口。開口便說詩。大致歸一厚。謂我善七言。歌行尤勁陡。五言力固強。多作慎莫苟。此語見至誠。佩之如琳玖。我愛與子言。妙意入醇酒。促膝夢天涯。爲樂享敵帚。汲泉累童穉。設果探瓶甌。屋下春鳥鳴。牆上松濤走。家書取示子。絕不及升斗。苦心懶自明。摧挫棲塵垢。我有千竿竹。別來翠應朽。子有千株梅。何人爲子守。我有一閣書。野鼠蝕蝌蚪。子有一片石。雲根棄培塿。我有五嶽囊。剗敵不在肘。子有蒼精龍。抑塞不敢吼。山川開良辰。天地徒爲耦。獨將箭上機。相勗閨中婦。惆悵浮雲過。瞠目立許久。我境事事同。我生重重咎。願移白下居。就子河渚畝。來往見風流。二老世外有。揮涕忽歎然。不覺日當酉。更訂月明時。招要固哉叟。叟韓詩也

補山堂歌爲芴菴老人作

茫茫楚澤黏天綠。中有老人結茅屋。淨洗腸胃臨江流。看盡虞淵又陽谷。卻訝門無一片山。秋瀾萬頃空潺湲。挈舟欲採芳蘭去。居山不見悲潛潛。會當割取熊耳峯。頭千仞石。嶙峋置在鴻濛澤。打鐘夜攪懶龍眠。振衣直上摩霄碧。爾梅居士何人乎。嘯翁雲漢移蓬壺。張目一掃岩壑出。峭冥巖嶮。頃刻插在練光鑑。觀之明湖。造物缺陷我不問。誰能補山祇須臾。五日一石十日水。神速得如梅也無。老人一見發長嘯。渾

然自謂愚公愚。乘風浩蕩睨八極。手排闔闔叫蒼梧。嗚呼。手排闔闔叫蒼梧。

和魏貞菴相國張村泛舟印事

目送空原鳥去高。相攜論語並離騷。春融大瓠千花釀。雪壓中流一葉舸。鉅鹿經綸傳叔玉。河汾瀟瀟愛東臯。寬然燕喜歸來後。不是畸人有託逃。臥遊五嶽與三湘。萬卷圖書百客觴。圮履赤松原旦暮。越裳白雉盡梯航。嘗聞獨玩章編日。縱博難窺武庫霜。時論同歸天咫尺。蕩然風誼下林塘。隄沙霜細水盈沱。里第今聞上相過。千野頓教投客轄。車茵容許臥漁簑。過雲檀板驚棲鶴。遊渚沙棠傍浴鷺。逸興大饒吟正劇。來宵明月照藤蘿。

春雨草堂歌

自經喪亂六七年。海內英賢久零替。大江南北多草堂。往往有堂無寸地。宮子千岩萬壑胸。指授山靈若郵吏。草堂要爲天下奇。署以春雨尤高致。懸叟頻過未一登。夢想雲根倚寒翠。不知宮子實有此堂無。奔走筆墨如轆轤。虎頭圖畫謫仙句。夜深寶氣生菰蘆。憶昔崇禎全盛日。揚州靡靡泰州實。是時西北未用兵。瀕海人猶輕物力。一時人望多嶙峋。君家大夫稱特出。出入紫綬垂十年。伯夷典禮咎絲律。看君年少兩冠軍。咫尺冰明忽相失。麻鞋不得見天子。空谷號天如伏鎖。雲昏萬里不逢人。月墮悲殘氣蕭瑟。只言溝壑埋詩書。誰料餘生老蘄泌。庭前兩雌更奇怪。紙客如花腕不解。少小焉能終繻諸。相壁慙從碧賣賣。

文章氣正鬼神珍。春雨堂前見三代。君不見萬迴老。隰西夜夜子規叫。又不見梁鶴林。哀吟臥病湖水濱。又不見李叔子。竹溪水深滌雙耳。又不見麻姑山前小徐庶。家徒四壁狂如故。只有懸叟無茆蓋頭。會當分春雨之一犁。灌吾圃於千秋。

十五六行贈玉式

憶昔與君十五六。我裹緼袍君奇服。相逢各不問苦愁。尙論淵元瞪雙目。讀書只恐後古人。著作等身恆不足。橫筆直掃千人廢。上溯羲軒下周穆。或忌或憐曾莫知。快意在胸形槁木。看山卽行數十里。一醉三日嘗不起。有司督試逡巡來。西抹東塗薦冠喜。自視一第如探囊。致君堯舜平平爾。華陽道上攜兩僕。二十餘年驢尾秃。明遠樓前科跣行。心肝嘔盡劉賈哭。文章旣與世變更。天地都如浪翻覆。而我安能與之隨。汨沒憂從中來不可掬。君茹茶。我嚼蓼。君搗鼓。我擊筑。斗酒難澆心曲愁。高歌偶當窮途哭。當時豈意賤如此。道傍假憲避朱紫。驕人自昔笑勞人。周士安能學秦士。只合深山大澤披髮掉臂閒遊行。萬壑松聲滌心耳。綠萼梅。千葉杏。銀瓶細挽雙鬢靚。中祕書。萬言策。南朝天子動顏色。君所有。我所無。君較苑。我較精。我不問。天天胡爲乎。嵩陽玉女峯。太華希夷廬。一片月。萬古居。肉芝紅類小兒掌。石英紺比千芙蓉。食之天地壽與俱。君若能來莫趨趨。噫嘻。君若能來莫趨趨。

老松化石歌

熊耳峯尖太古松。化爲老石蒼精龍。冰霜皴剝霧冥濛。蟲文禹蹟造化工。玉麟怒裂睇碧空。龐然兀立天

柱翁一見呼來黃石公。爾苔濕爛鞭神駿。赤松子來隨雨風。挾爾痛飲昇崆峒。